

MAZMUR 85

PULIHKAN KAMI TUHAN

40-HARI PUASA & DOA

2016

7 OGOS - 15 SEPTEMBER

NECF
MALAYSIA



EDISI DEWASA

PULIHKAN
KAMI TUHAN



<i>Mazmur 85</i>	3
Pendahuluan	4
<i>Apa Itu Puasa Yang Benar?</i>	6
Hari 1-5: Mengkaji Semula Pengertian Kita Tentang Doa	8
<i>Hari 6-10 : Membangkitkan Murka Allah</i>	13
Hari 11-15: Belas Kasihan Allah	18
<i>Hari 16-20 : Bangkit Dan Membina</i>	23
Hari 21-25: Mezbah Doa	28
<i>Hari 26-30: Suara Allah</i>	33
Hari 31-35: Kebangunan Rohani	38
<i>Hari 36-40: Apabila Kebangunan Rohani Tiba</i>	43
Penghargaan	48

Mazmur 85

- ¹ TUHAN, Engkau telah meredai tanah-Mu; Engkau telah membawa Yakub pulang daripada tawanan.
- ² Engkau telah mengampunkan dosa umat-Mu Engkau telah menghapuskan semua dosa mereka.
- ³ Engkau telah menarik balik segala kemurkaan-Mu Engkau telah berpaling daripada nyala kemarahan-Mu.
- ⁴ Pulihkanlah kami, ya Allah Penyelamat kami, dan padamkanlah kemarahan-Mu terhadap kami.
- ⁵ Akan marahkah Engkau kepada kami selama-lamanya? Akan Kau teruskankah kemarahan-Mu turun-temurun?
- ⁶ Tidakkah Engkau mahu memulihkan kami, supaya umat-Mu dapat bergembira kerana-Mu?
- ⁷ Tunjukkanlah kasih setia-Mu kepada kami, ya TUHAN, dan kurniai kami penyelamatan-Mu.
- ⁸ Aku akan mendengar firman Allah, TUHAN; kerana Dia akan melafazkan sejahtera kepada umat-Nya dan orang warak-Nya – tetapi janganlah mereka kembali kepada kebodohan mereka.
- ⁹ Sesungguhnya penyelamatan-Nya dekat kepada mereka yang takut kepada-Nya, supaya kemuliaan menetap di tanah kita.
- ¹⁰ Kasih sayang dan kesetiaan telah bertemu; Perbenaran dan sejahtera telah berdakapan.
- ¹¹ Kesetiaan akan muncul dari bumi, dan perbenaran akan memandang ke bawah dari syurga.
- ¹² Ya, TUHAN akan memberikan apa yang baik, dan tanah kita akan bertambah makmur.
- ¹³ Perbenaran akan berjalan di hadapan-Nya dan menjadikan jejak langkah-Nya jalan untuk kita turuti.
- (AVB)

PULIHKAN KAMI TUHAN

Persamaan yang jelas dengan keadaan selepas pembuangan (Maz.85) dengan Gereja di Malaysia adalah *konteks kemudaratan* negara, oleh sebab itu murka Allah dicurahkan.

Selalunya kita salah berdoa kerana kita gagal untuk mengerti tentang murka-Nya yang kudus. Kita merintih dengan kesukaran negara kita sementara berkeras menolak untuk menerima kemungkinan keadaan negara kita mencerminkan keadaan Gereja. Apabila doa kita tiada “untuk kemarahan-Mu berhenti terhadap kami”, maka kita mengucapkan kata-kata kosong di atas mezbah doa kita. Kata-kata kosong, tanpa difikirkan yang tidak mengandungi “kemenyan”.

Seruan pemazmur itu sangat berbeza dari seruan moden kita yang teresak-esak dan berterusan untuk mohon kehidupan yang senang dan selesa. Rintihan mereka untuk negara bukannya untuk “di sini dan pemulihan sekarang”- ia adalah untuk pemulihan bangsa. Fokusnya adalah atas “negeri”(v1,9,12) dan “memulihkan” dan “kembali” (ayat 1,4).

Standard doa kita untuk pemulihan tidak cukup.

Kita mahu melihat perubahan sementara kita tidak mahu berubah dan tiada keinginan untuk “kembali”. Dan sehingga kita mendapat visi melampaui tempat kediaman, gereja kita, hidup harian, kepada “negeri” dan keselamatannya, belum tentu kita akan menerima jawapan kepada “pulihkan kami.”

Ya, “tidakkah engkau memulihkan kami kembali” ay7

Dan belas kasihan Allah tidak mungkin dapat dipisahkan dari kebenaran. Dalam ay. 11 Pemazmur berkata, “belas kasihan dan kebenaran bertemu” ay 11 dan “kebenaran akan tumbuh dari bumi” ay 12 “Belas kasihan” bukannya satu kata magik dan Allah tidak akan terpaksa bergerak walaupun

kita berteriak dengan nyaring. Allah tidak akan gementar hanya kerana kita telah menyalahkan teologi kasih-Nya dan belas kasihan-Nya. Allah mencari kebenaran dan kesalihan dalam respon kita semasa kita bersyafaat untuk perubahan dalam negara kita.

Gereja di Malaysia harus bertanya pada dirinya dengan beberapa soalan yang tepat:

(1) Adakah kami tergolong pihak yang korupsi dalam negara? Adakah peniaga-peniaga Kristian juga mengamalkan korupsi? Adakah gereja senang hati menerima perpuluhan dari wang yang tercemar dan takut menegur anggota-anggotanya?

(2) Adakah kita mencari sebuah kebangunan dan pemulihan tanpa kesalihan? Dengan bahan pornografi/lucah merebak dan homoseksual menyusup masuk ke dalam budaya orang Asia kita dimanakah suara kemarahan dari Gereja? Adakah kita bersalah untuk mengingini pemulihan tanpa menghendaki apa yang Allah kehendaki?

(3) Keselamatan dekat kepada orang yang takut kepada-Nya" ay 9. Namun hari ini kita menyaksikan kehadiran lewat ibadah yang tidak menghormati, kepimpinan yang tidak dimuridkan. Berapa banyakkah gereja-gereja yang takut akan Allah?

Kita mahu berdoa, "pulihkan kami". Tetapi mungkin fokus/tumpuan yang lebih tepat adalah "Tunjukkanlah bahawa Engkau tetap mengasihi kami, tolonglah dan selamatkanlah kami, ya Tuhan." ay. 7



Ramai dikalangan kita merasa bahawa puasa sebagai suatu pelengkap yang berkuasa kepada doa - satu cara untuk memaksa Allah supaya menjawab doa kita. Kemudian kita jadi putus asa apabila seruan dan permohonan kita seakan-akan tidak terjawab. Kita salahkan Allah kerana tidak berpegang pada janji-janji-Nya dan mulai meragui keberkesanan berpuasa dan berdoa.

Keadaan ini kita sama seperti orang Israel dahulu kala yang selalu menyoal Allah dan bersungut terhadap-Nya. *"Mengapakah kami telah berpuasa, dan Engkau tidak melihatnya? Mengapakah kami telah merendahkan diri dan Engkau tidak memperhatikannya?"*(Yes.58:3)

Bab 58 kitab nabi Yesaya berbicara tentang puasa yang Allah kehendaki. Sebelum mereka ditawan oleh bangsa Babel, umat Israel merayakan perayaan tahunan Yom Kippur – Hari Perdamaian - yang disertai puasa oleh seluruh negara pada sepuluh haribulan bulan tujuh menurut kalender orang Yahudi. Pada hari ini, setiap orang yang tinggal di negara itu – umat Israel dan orang asing – diwajibkan tidak bekerja dan menyangkal diri mereka. Itu adalah hari penyucian diri dari dosa-dosa mereka. Tetapi cara mereka melakukan puasa membangkitkan kemarahan Allah, yang telah mengutus nabi Yesaya untuk menegur umat-Nya.

"Ketika kamu berpuasa, kamu mementingkan hal sendiri dan menindas pekerja-pekerja kamu. 4Puasa kamu menyebabkan kamu ganas; kamu bergaduh dan bertengkar. Jangan sangka puasa seperti itu akan menggerakkan hati-Ku untuk mendengarkan doa-doa kamu. 5Apabila berpuasa, kamu menyiksa diri. Kamu menundukkan kepala seperti daun rumput yang runduk. Kamu berbaring di atas kain guni dan abu. Itukah yang kamu sebut puasa? Adakah kamu menyangka bahawa Aku berkenan dengan perbuatan kamu itu?" (Yesaya 58:3-5)

Cara mereka melakukan hari puasa- hari diperuntukkan bagi mereka untuk menyucikan diri dari dosa-dosa mereka – yang sangat dibenci oleh Allah yang Kudus. Ianya dosa yang diulang-ulangi oleh Gereja berabad-abad. Kita berpuasa dan berdoa, tetapi masih memeras orang miskin, menaruh dendam terhadap saudara-saudari dalam Kristus. Selalunya tujuan berpuasa dan berdoa adalah untuk memaksa Allah melakukan sesuatu untuk kita, bukannya berserah kepada kehendak-Nya untuk kita. Kita mesti sedar bahawa berdoa dan berpuasa seharusnya membuat kita mengenal

pasti kejahatan kita, dan membuat kita bertaubat. Apabila kita berpuasa, tujuan kita seharusnya untuk penyucian diri kita, yang sewajarnya diikuti oleh pernyataan luaran tentang kebaikan hati dan jasa baik Kristus terhadap orang lain.

Yesaya 58:6-7 mengajar kita untuk, *“tanggalkan belenggu penindasan bebaskan orang yang tertindas”, untuk “bahagilah makanan kamu dengan orang yang lapar, dan sambutlah orang miskin yang tiada tempat berteduh, dan jangan tolak sanak saudara kamu sendiri”*. Pendek kata, berpuasa bukannya tidak makan sekali atau berhari-hari kita menyangkalkan diri dari benda-benda tertentu.

Yang lebih penting adalah puasa kita membimbing diri kita untuk berbaik semula dengan Allah dan dengan orang lain – supaya kita dapat membuat hidup kita dan juga doa kita, sejajar dengan kehendak-Nya. Supaya kita dapat melakukan tujuan-tujuan-Nya di bumi ini dengan lebih berkesan.

Pungutan Kebajikan: Anda mungkin memilih untuk berpuasa satu waktu atau lebih, pada masa doa dan puasa kebangsaan ini. Jumlah wang yang dikumpulkan daripada masa berpuasa itu, anda boleh masukkan ke *akaun NECF (no.3078972807-Public Bank)* sama ada secara peribadi atau gereja. Wang yang dikumpul akan digunakan bagi maksud yang berikut :

1. Memperkukuhkan gereja-gereja di Pantai Timur
2. Program Pemerkasaan Pendidikan Luar Bandar (R.E.E.P)
3. Program Pemerkasaan Kepimpinan (H.E.L.P)
4. Latihan pembentukan Pemuridan

Tolong kirimkan kepada kami bank-in slip melalui fax (no.03-77291139) atau melalui email (prayer@necf.org.my). Nyatakan juga jumlah yang telah diasingkan untuk “ Derma Kebajikan 40-hari Berpuasa dan Berdoa”.

KETIKA KITA MEMULAKAN puasa dan berdoa 40 hari untuk negara, marilah kita menentukan pengertian tentang doa sebagai, “mengadakan perbualan atau percakapan hati ke hati dengan Allah Bapa yang mengasihi kita” – dan bukan hanya meminta sesuatu dari-Nya. Kita akan mulakan atas dasar ini: bahawa Allah itu baik, Dia mengelilingi kita dengan kasih yang tidak terhingga.

Kesetiaan-Nya tidak berubah selama-lamanya, dan kita dapat berharap kepada-Nya. Mengetahui hal ini, kita boleh praktikkan 1 Tes. 5:16-18 kepada hidup kita: “... *sentiasa bersukacita, dan berdoalah sentiasa.....bersyukur dalam segala keadaan, kerana hal inilah yang dikehendaki oleh Allah daripada kamu sebagai orang yang hidup bersatu dengan Kristus Yesus.*”

Allah ingin kita mengenal dan mengerti Dia, supaya kita dapat hidup berkemenangan dan bertujuan dalam Yesus Kristus. (Baca Yeremia 9:23-24). Jika kita dapat menghadap Dia dengan sikap ini, doa kita tidak lagi membosankan atau hanya satu kewajiban, tetapi kita akan tidak sabar-sabar setiap hari untuk berhubung dengan Allah dan menikmati hadirat-Nya - kerana di situlah kita akan mengalami wahyu yang mengagumkan, mukjizat dan penerobosan. Kita akan dapat bertahan dan tidak akan berganjak di dalam iman kita, jika kita mengasaskannya dan berharap sepenuhnya atas kesetian dan belas kasihan Allah. **Adakah sikap anda terhadap doa yang perlu diubah?**

7 pilar pengaruh dalam negara: Perniagaan

Perniagaan yang berintegriti bangkit memelihara dan menyokong kepada mereka yang di dalam ‘marketplace’ serta memiliki sikap Kerajaan Allah dan gaya hidup bersyafaat.

Penorobosan kewangan di Malaysia untuk campurtangan Allah dalam menghapuskan kegiatan korupsi yang menjatuhkan negara. Amalan baik diperkukuhkan serta pengaliran masuk pelaburan-pelaburan dan pertumbuhan ekonomi.

KESELURUHAN ALKITAB seharusnya dibaca dari hujung ke hujung, supaya kita mendapat gambaran yang “sempurna” tentang apa yang Allah katakan kepada kita, anak-anak-Nya. Ini akan membuka mata kita dan memberi kita pengertian, tentang apa yang kita perlu untuk jadi pengurus yang baik dengan apa yang telah Dia berikan kepada kita. Biasanya bila kita berdoa, kita membuat permintaan-permintaan memberitahu Allah masalah kita dan merayu supaya Dia menjawab kita dengan segera. Kita cenderung lupa bahawa doa adalah perbincangan – perbualan dua hala antara kita dan Allah – dan bukan percakapan seorang atau monolog.

Bagaimana kita dapat mendengar dari Allah? Ia bermula dengan keinginan – untuk mengenal Allah dan dikenali oleh-Nya, *“Domba-domba-Ku mendengarkan suara-Ku. Aku mengenal mereka dan mereka mengikut Aku.”* Kata Yesus dalam Yoh. 10:27. Dia juga berkata kepada orang Farisi, *“Kamu menyelidiki Alkitab kerana menyangka bahawa dengan cara itu kamu akan beroleh hidup sejati dan kekal. Sebenarnya Alkitab memberikan kesaksian tentang Aku.”* (Yoh.5:39)

Ramai dia kalangan kita merasa sukar membaca bahagian ayat-ayat Alkitab yang panjang dalam satu masa, tetapi kita boleh mengasingkan 40 hari ini untuk: membina disiplin membaca 10 bab sehari untuk memastikan roh kita cukup makan, dan untuk membaca seluruh Perjanjian Baru dan Mazmur (ini boleh dilakukan dengan membaca 7 bab dari PB dan 3 hingga 5 Mazmur, setiap hari).

Apabila kita memenuhi diri kita dengan Firman Allah dan mengizinkan Firman-Nya memperbaharui fikiran kita, kita dapat diyakinkan bahawa hasilnya akan mengagumkan kita. Kita boleh bertanya pada diri kita: **adakah roh saya mendapat makanan secukupnya atau adakah ia lapar akan Firman Allah?**

7 pilar pengaruh dalam negara: Media

Keberanian mengatakan kebenaran dengan keyakinan dan kewartawanan berintegriti, walau apapun harganya.

Hikmat para penyunting bilik berita dan penerbit – agar dapat menilai kebenaran dari dusta, dan melakukan tanggungjawab sebagai pemerhati dan pembentuk pendapat dengan integriti.

Allah melindungi rumah-rumah media bebas yang ingin melaporkan kebenaran. Agar Allah membekalkan kewangan dan bakat yang mereka perlukan.

Wartawan Kristian – terutama mereka yang sudah hilang penglihatan tentang injil agar mereka mengalami pertemuan yang segar dengan Allah, bekerja untuk membangun kerajaan-Nya bukan kepentingan diri mereka sendiri.

PENYEMBAHAN menolong kita menghayati kekudusan Allah. Dalam penyembahan, Raja Daud mengisytiharkan, *“Setiap hari aku akan bersyukur kepada-Mu; aku akan memuji Engkau selama-lamanya. TUHAN agung dan harus dipuji setinggi-tingginya, kebesaran-Nya tidak dapat kita fahami.(Maz.145:2,3)”*

Sebelum ini, kita membincangkan bagaimana pembacaan Firman Allah membuat kita mengenal Allah- dengan demikian kita memperbaharui fikiran dan memperdalamkan hubungan kita dengan Dia. Ketika kesedaran kita akan hadirat-Nya semakin kuat, kita dapat respon menyembah secara spontan, seperti yang selalu Daud lakukan, memuja, menyanjung dan menghormati Allah kita, Raja atas segala raja.

Ketika kita mengambil masa menikmati hadirat-Nya, semoga kita mendapati diri kita benar-benar berasa diri kita diserahkan kepada kasih-Nya – bahawa itu seharusnya mendorong kita dalam semua yang kita lakukan. *“Kekasihku kepunyaanku, dan aku kepunyaan-Nya.” (Kidung Agung 2:16)*

7 pilar pengaruh dalam negara: Seni & Hiburan

Seperti Shadrakh, Mesakh dan Abednego: supaya orang Kristian yang diletakkan dalam industri ini kuat dan berani dalam arus budaya yang bertentangan, memilih untuk berdiri atas kebenaran Allah dan menjadi cahaya bagi sekeliling mereka. (Baca Daniel 3)

Hati keras menjadi hati yang lembut lagi: mereka dalam industri yang telah mengalihkan pandangan mereka dari kebenaran dan berhenti percaya kepada janji-janji Allah, supaya hati mereka jadi lembut – agar mereka insaf dan kembali kepada-Nya semula.

Hati yang berani mengimpikan yang besar: supaya orang Kristian ada keberanian mengejar tujuan Allah untuk hidup mereka, walau apapun harganya dan bagaimana ganjil pun mungkin impian mereka. Kreativiti mereka digunakan untuk memuliakan Allah.

Hikmat dan kebolehan menilai: Untuk pengguna dan juga pengamal, seni dan hiburan. Berdoa untuk kebolehan menapis penipuan dari kebenaran.

BERPUASA adalah suatu alat pelengkap kepada doa kita. Ketika Paulus menulis kepada gereja di Korintus dan Timotius yang dia mentor tentang menundukkan dirinya kepada disiplin dan fokus, sama seperti seorang olaragawan atau aska lakukan.

Sama juga, berpuasa adalah satu disiplin yang memerlukan fokus dan dedikasi untuk menahan diri dari perkara tertentu seperti makan atau gangguan-gangguan harian – untuk menolong mempertajamkan deria kita kepada suara Allah, hadirat dan haluan.

Semasa kita mendekati Dia, kita mungkin terkejut dengan berapa banyak yang ingin nyatakan kepada kita – baik tentang diri-Nya dan rancangan-Nya – dan betapa Dia rindu bersekutu dengan kita. **Apakah yang perlu kamu puasa semasa musim berdoa ini?**

7 pilar pengaruh dalam negara: Pendidikan

Pembuat polisi dan pendidik: hikmat dan keyakinan untuk menghubungkan jurang celik huruf di kalangan pelajar di kawasan pedalaman dan di kota-kota. Ada sistem mengajar pelajar untuk berfikir secara kreatif dan membina.

Persekutuan Kristian (PK) dalam sekolah di seluruh negara: Allah memberkati dan melindungi semua PK, membawa guru-guru dan pemimpin-pemimpin pelajar yang akan memberkati dan memelihara kumpulan mereka, dan membantu Kristian yang muda membina dasar yang kuat.

SUNGGUH INDAH BERDOA DALAM KUMPULAN YANG SEFIKIR bersama orang seiman. Ibrani 10 menggesa kita untuk menggerakkan satu sama lain dalam kasih dan perbuatan baik, dan berkumpul selalu. Selama 40 hari berdoa dan berpuasa semestinya mencabar, memiliki pasangan atau kumpulan mengambil bahagian bersama mungkin membuat pengalamannya lebih menyeronokkan.

40 hari ini seharusnya masa mengetahui dan mendorong satu sama lain dengan kesaksian-kesaksian dan pernyataan-pernyataan – untuk terus menggalakkan, seperti besi menajam besi.

Tetapi orang yang berharap kepada TUHAN akan mendapat kekuatan baru. Mereka seperti burung rajawali, yang terbang tinggi dengan kekuatan sayapnya. Mereka akan berlari dan tidak lelah; mereka akan berjalan dan tidak menjadi lemah. (Yes. 40:31)

Simpan sebuah buku catatan dan tulis apa yang Roh Kudus katakan sepanjang masa musim berdoa. Libatkan diri dalam persekutuan doa bersama di gereja, dan galakkan orang percaya yang kamu kenal yang ada beban untuk Malaysia ikut serta.

Teruskan berdoa, dengan keyakinan bahawa masa perubahan akan datang untuk negara- dan bahawa semuanya adalah sebahagian dari rancangan Allah yang sempurna untuk negara ini yang dekat di hati-Nya.

7 pilar pengaruh dalam negara: Keluarga

Perkahwinan: pemulihan identiti alkitabiah, dan juga peranan suami dan isteri dilindungi dari perzinahan, perceraian, dan penderaan

Ibu bapa: pemulihan peranan ibu bapa yang alkitabiah untuk mendidik anak-anak takut akan Allah, dan melakukan ini dengan membangun mezbah doa keluarga.

Tidak kahwin/bujang: pemulihan identiti alkitabiah kepada mereka yang bujang berjalan dalam kesucian dan tujuan.

Pulihkanlah kami sekali lagi, Allah, Penyelamat kami, dan letak ketidak puasan-Mu kepada kami. Apakah Engkau murka dengan kami selama-lamanya? Apakah Engkau memanjangkan murka-Mu turun temurun? (Mazmur 85: 4-5)

KEBANYAKAN AGAMA didunia takut akan hukuman – jika saya tidak melakukan ini, adakah saya akan dihukum? Apakah perbuatan jahat itu akan menghantui saya?

Pengikut Kristus pula menerima kasih dari Allah. *“Kami dikuasai oleh Kasih Kristus”* (2 Kor 5:14). Namun kerap kali kita mengambil mudah akan kasih-Nya. Lihat disekeliling kita – kita hidup di dunia yang telah melupakan Tuhan, sebuah dunia yang telah jatuh ke tangan musuh yang tidak menghormati Pencipta-Nya.

Sementara kita mungkin telah sesat, sifat Allah masih tidak berubah. Semasa kita masih berterusan dan tidak bertaubat melakukan dosa, kita rela keluar dari sempadan-Nya yang melindungi kita – di mana kita harus berhadapan dengan akibat dosa kita yang tidak dapat dielakkan: di mana kita harus berhadapan dengan murka-Nya. Hanya melalui Kristus kita menerima belas kasihan Allah, walaupun kita tidak layak menerimanya dan dosa kita diampuni. Sementara kita terus menerus berseru meminta penyembuhan Allah datang ke atas Negara kita, biarlah kita prihatin dengan keadaan hati kita dan cuba mengenali, apakah kita benar di hadapan-Nya.

7 tiang yang mempengaruhi Negara kita: Agama

Tuhan melindungi semua rakyat Malaysia, tanpa mengira agama daripada pelampau dan kumpulan radikal. Mereka dilindungi daripada fahaman radikal dan mempunyai pengertian untuk menentang upacara keagamaan yang mencederakan orang lain.

Kesederhanaan tidak akan semata-mata digunakan sebagai ucapan, namun diamalkan didalam tadbir urus dan berakar umbi kedalam masyarakat agar semua warga Malaysia akan melihat kepentingan toleransi agama dan keharmonian kaum untuk kebaikan semua.

Apakah yang membuat Allah sangat marah sehingga Dia meninggalkan sebuah bangsa? Melalui keseluruhan Perjanjian Lama dan sepanjang masa dalam sejarah, kita dapat melihat tiga kecondongan sikap yang membangkitkan murka Allah hingga ketahap di mana Dia akan berpaling tadah dan meninggalkan sebuah bangsa daripada perlindungan-Nya: Ketidaktaatan, pemberontakan secara terang-terangan dan kedegilan.

Allah memberi sepuluh hukum untuk melindungi umat-Nya, agar mereka diberkati dan makmur dalam semua perkara yang mereka dilakukan. Yesus berkata bahawa hukum yang paling penting adalah mengasihi Dia dengan sepenuh hati, jiwa dan fikiran kita. Apabila kasih sayang dan keinginan kita tidak dipenuhi oleh-Nya, maka mereka akan menghalu ke arah yang lain. Kita tidak taat kepada Allah, jika kita mendirikan berhala untuk diri kita sendiri.

Si Pemazmur memahami bahawa walaupun Allah berbelas kasihan, Dia tidak berkompromi dengan dosa: *"Andai kata aku membiarkan dosa dalam hatiku, pasti Tuhan tidak akan mendengar aku"*. (Mazmur 66:18). Dosa apakah yang tidak kita biarkan sehingga tidak diakui dan dibiarkan menjangkiti komuniti kita, bahkan merentasi generasi ke generasi? Ianya belum terlambat untuk bertaubat bagi semuanya. Marilah kita datang dengan bersih di hadapan Allah kita yang berbelas kasihan dan mematahkan belenggu dosa.

7 tiang yang mempengaruhi Negara: Kerajaan

Bicara kehidupan dan bukan kutukan kepada kerajaan yang sedia ada.

Hikmat untuk badan perundangan dan kakitangan awam (tanpa melihat parti yang mereka pilih) agar dapat membuat keputusan untuk masa hadapan kerajaan tanpa diselindungi oleh ketidakbenaran atau ketakutan.

Menentang roh keserakahan di semua peringkat di dalam kerajaan.

Pemikiran yang diperbaruhi/ sebuah generasi kakitangan awam yang dibangkitkan semula, yang tidak dikuasai oleh kekayaan, tetapi dikuasai oleh rasa takut akan Allah dan mencintai kebenaran.

Berkat, kemurahan Allah dan kekuatan untuk mereka yang telah memilih untuk berkerja bagi negara dalam perkhidmatan awam .

Baca Yehezekial 34:2-4. Apakah beberapa isu yang membimbangkan Gereja hari ini?

Gembala-Gembala yang tidak bertanggungjawab:

Allah sangat mengasihi umat-Nya dan merasa sedih apabila orang yang dipilih-Nya untuk menguruskan domba-Nya tidak melaksanakan tanggungjawab seperti yang mereka harus lakukan. Para Gembala yang membangkitkan murka-Nya dan mengakibatkan penghakiman terhadap diri sendiri seperti: menyalahgunakan wang Gereja, melakukan perzinahan dan mendera pasangan dan anak-anak mereka, mengabaikan keperluan jemaat dengan membiarkan mereka yang terluka dalam kehidupan mereka, tidak memperbetulkan disiplin dan kelemahan jemaat dan gagal untuk menyampaikan kebenaran tetapi hanya menyampaikan apa yang diingini oleh jemaatnya. Ini hanya berminat untuk mendirikan kerajaannya sendiri, daripada menjangkau yang terhilang.

Domba-domba yang tidak bertanggungjawab:

Jemaat juga mempunyai tanggungjawab yang diamanahkan Allah dan diberi amaran agar tidak mengakibatkan perpecahan dan perkelahian dan menjadi sandungan melalui sikap kita kepada orang Kristian yang baru percaya dan menguji kesabaran Allah dengan hidup ketidaktaatan. Dalam Wahyu, rasul Yohanes menulis tentang kelemahan yang membawa tulah kepada gereja, bahkan sehingga hari ini. Apakah yang anda dan saya perlu bertaubat bagi pihak diri kita dan gereja?

Negeri-negeri di Malaysia: Pulau Pinang.

Gereja di Pulau Pinang: agar akan ada api yang baru untuk menjadi "Rumah Doa" untuk semua bangsa.

Menentang pencerobohan tanah yang tidak terkawal: peningkatan projek pembangunan daripada pelabur-pelabur tempatan dan asing. Kebanyakan orang kampung terpaksa keluar dari kampung mereka. Kiranya Suara mereka didengar dan para penguatkuasa kerajaan dapat menguruskan masalah mereka dengan hikmat, kejujuran dan berbelas kasihan.

Menentang pelacuran: Kiranya hujan kebenaran turun ke atas negeri ini dan pihak berkuasa di beri hikmat membendungkan kegiatan pelacuran. Mereka yang terperangkap dalam kegiatan pelacuran di bebaskan.

Baca Lukas 19:41-44

DALAM PETIKAN INI KITA MEMBACA BAHAWA YESUS MENANGIS.

Ambil perhatian, Allah menangis untuk perkara-perkara yang manusia tidak tangisi, Dia menangisi Yerusalem. Kenapa? Kerana penduduknya terlepas musim mereka, mereka terlepas lawatan-Nya. Itulah yang membuat Yesus menangis. Terlepas bererti hari-hari yang mengerikan akan datang. Yesus melihat apa yang bakal terjadi kepada Yerusalem, kehancurannya pada tahun 70 TM, pemusnahan secara besar-besaran, kebencian negara-negara terhadap Israel pada hari ini. Yesus melihat apa yang bakal akan terjadi kepada negara-negara.

Yesus menjadi manusia, dan mereka dapat menyentuh dan melihat Dia. Tetapi mereka tidak tahu masa lawatan-Nya. Mereka gagal melihat apa yang telah Dia lakukan. Hari ini apakah mungkin gereja-gereja terlepas akan Dia, walaupun mereka sibuk melakukan pelayanan? Mungkinkah kita juga akan terlepas masa lawatan Allah? Syurga sedang bergerak? Jika kita terlepas, hari-hari dahsyat akan datang. Responlah secepat mungkin untuk mengelakkan hari-hari dahsyat yang akan datang itu.

Tuhan bekerja dalam musim. Jika anda terlepas masa ini kesukaran akan menyusul. Melihat bahawa perkara ini tidak akan berlaku kepada Malaysia maka jangan kita terlepas lawatan Allah kepada negara kita. **Apa yang perlu diperbetulkan dalam hidup anda adalah bersiap bagi lawatan Allah?**

Negeri-negeri di Malaysia: Johor

Sultan Johor dan kerabatnya: Sultan ada impian untuk transformasikan negeri itu supaya dijadikan pusat komersial. Beberapa projek telah dirancang untuk mencapai ini dalam beberapa tahun yang akan datang. Kemakmuran negeri akan dibina atas keadilan dan integriti.

Keluarga-keluarga: Sebilangan besar orang Johor yang pergi ke Singapura untuk bekerja melalui tambak Johor, tinggalkan anak-anak untuk dijaga oleh saudara mara atau pengasuh. Ini secara tidak sengaja mengakibatkan fungsi kekeluargaan hilang. Ada hikmat dan nasihat supaya masyarakat menyokong ibubapa untuk membuat keputusan yang sihat untuk keluarga mereka.

Keamanan dan keselamatan: Kadar jenayah di Johor tetap tinggi, dengan ketagihan berjudi dan penyalahgunaan dadah. Roh Kudus campurtangan dan menghancurkan kitaran yang memusnahkan masyarakat.

Baca Yehezekial 22:30 dan Mazmur 85:2-3

Allah sedang mencari orang untuk berdiri di celah tembok yang sudah roboh. Soalannya mengapakah sedikit sekali yang rela untuk melakukannya? Apabila Allah tidak dapat mencari seorang pun yang berdiri di celah tembok yang sudah roboh, kemarahan akan dicurahkan. Kenapa?

Kerana lebih dari agenda peribadi kita, Allah memperdulikannya. Ini kerana keadaan negara akan memberikan kesan yang langsung kepada penduduk, dan termasuk anda juga. Sebelum anda berdiri di celah tembok yang sudah roboh, ada unsur yang digunakan untuk pembinaan dinding atau jambatan. Anda perlu berhubung dengan satu bahagian kepada bahagian yang lain, seperti jambatan yang menghubungkan Menara Kembar Petronas. Mesti ada perhubungan di antara syurga dan bumi, di antara Allah dan manusia, untuk menghubungkan jurang itu. Apakah penghubungnya?

Pertaubatan adalah Penghubung. Ia memperbaiki hubungan yang putus. Pertaubatan meniadakan tempat sah musuh. Imamat 26:40-42 berkata, jika mereka "mengakui dosa mereka dan dosa nenek moyang mereka... Aku akan mengingat perjanjian-Ku... dan... memberikan negeri itu..." Kita menghubungkan negeri itu kepada Allah apabila kita mengaku dan bertaubat dari dosa-dosa yang lalu dan dosa generasi sekarang, terutama dosa para pemimpin.

Anda berdiri di jurang apabila anda telah membina jambatan. Allah sedang mencari seorang untuk berdiri di jurang seperti Nehemiah. Ini melibatkan memberitahu orang lain tentang keadaan supaya mereka juga boleh berdoa. Kita perlu mengingatkan dan menyedarkan orang tentang apa yang sedang berlaku. Marilah kita membenarkan Allah membawa kita langkah demi langkah. Apa yang penting adalah kita menjawab apabila Dia memanggil, supaya Dia tidakalui kita.

Negeri-negeri di Malaysia: Melaka

Gereja-gereja di Melaka: Ketidak satuan dan rasa puas di kalangan gereja-gereja di dalam negeri, dan ada keperluan yang mendesak untuk pemulihan. Kebangkitan hati dan pencurahan Roh Kudus yang baru. Kiranya nubuat Yoel 2:28 digenapi di Melaka.

Anak muda/belia di Melaka: cita-cita untuk para belia supaya mencapai gol yang melampaui pencapaian material.

Perancangan yang berterusan dan polisi oleh majlis undang-undang: Puji Tuhan untuk peluang-peluang yang masuk ke Melaka, semasa kerajaan ingin memperbaiki negeri itu. Orang yang benar dan bijak, yang punya integriti yang tinggi dan tekun, diletakkan dalam kedudukan yang berkuasa.

Aw Tozer menulis dalam bukunya, *The Knowledge of the Holy* (Pengetahuan tentang yang Suci): *Jika sahaja kita boleh ingat belas kasihan ilahi itu bukan perasaan sementara tetapi sifat Allah yang kekal, kita tidak perlu takut bahawa suatu hari nanti ia akan tiada. Ia tidak akan pernah lebih kerana ianya tidak terbatas, dan ia tidak kurang kerana yang kekal tidak boleh mengalami pengurangan. Untuk selamanya kasih setia-Nya ada, tidak terbatas, teramat sangat simpati ilahi dan belas kasihan.*"

Oleh kerana kasih-Nya yang sangat besar untuk kita, Allah mengasihani kita dan turun, mengambil rupa manusia, untuk menyelamatkan kita. Kerana belas kasihan-Nya, kita diselamatkan daripada hukuman yang pasti. Hari ini marilah kita mengambil masa untuk merenungkan apa yang dikatakan oleh firman Tuhan tentang belas kasihan Allah, dan beri puji syukur kepada Allah kita yang berbelas kasihan.

Baca 1 Taw 16:34, Maz 89:1, Bil 14:18-19, Ratapan 3:22, Titus 3:4-5, Maz 52:8b

Negeri-negeri di Malaysia: Perak

Menentang pengaruh gengster: Tuhan melindungi para belia dalam negeri, kerana para samseng ini diketahui merekrut anggota dari penuntut sekolah, yang akhirnya terlibat dalam pemerasan, salahguna dadah, dan juga pembunuhan. Bantuan untuk yang miskin mencukupi, kerana ramai yang terpinggir ini terlibat dalam kumpulan samseng supaya dapat hidup.

Menentang pembasmian hutan: penguatkuasaan undang-undang yang baik untuk melindungi persekitaran. Pembersihan hutan yang sembarangan untuk penanaman kelapa sawit dan pembalakan telah meninggalkan kesan yang serius kepada persekitaran.

BACA Mazmur 85: Mazmur ini adalah doa bersama oleh umat Allah pada masa kesukaran. Ia adalah doa supaya Allah mengembalikan belas kasihan-Nya. Perhatikan bahawa mazmur ini bermula dengan fokus kepada Allah dan mengingatkan perbuatan belas kasihan-Nya pada masa lampau.

Kesusahan kita sekarang dengan mudah menyebabkan kita mengalihkan fokus kita jauh dari Allah. Kita cenderung mengalihkan perhatian kita kepada perkara-perkara yang kita fikir yang boleh menolong kita.

Ya, Tuhan, kami berdoa tetapi masalah-masalah kami yang memenuhi fikiran kami. Tolonglah kami supaya fokus kepada-Mu semula (Mazmur 27:4)

Mengingat kembali peristiwa-peristiwa yang lalu apabila belas kasihan Allah yang telah menyelamatkan kita menolong kita bersyafaat untuk campurtangan-Nya dalam krisis kita. Semasa kita fokus kepada kebaikan Allah, kemurahan dan kasih-Nya, kita boleh bersukacita walaupun ditengah-tengah masalah, kerana kita tahu bahawa Allah kita yang berkuasa menyelamatkan dan membebaskan umat-Nya.

Kita datang ke hadirat-Nya dengan yakin, kerana kita tahu siapa kita dalam Kristus-kita adalah anak-anak Allah, kekasih-Nya, yang di tebus Tuhan.

Negeri-negeri di Malaysia: Kedah

Belia di Kedah: Penyalahgunaan bahan, seks rambang dan keterlibatan samseng yang berterusan jadi masalah di kalangan belia di Kedah. Yang lebih membimbangkan, pengaruh yang menular di kalangan murid sekolah rendah. Allah melindungi anak muda di Kedah, dan ada cara yang berkesan yang dapat membawa kesembuhan dan pemulihan.

Keluarga-keluarga: Kebanyakan keluarga-keluarga, seperti yang tinggal di daerah Kota Setar, Baling, Sik, Kuala Muda dan Kubang Pasu, masih hidup dalam kemiskinan. Ada peluang pekerjaan terbuka untuk menolong keluarga-keluarga ini, dan pembahagian bantuan yang sesuai dan sama rata oleh kerajaan negeri.

Keselamatan di sempadan Malaysia-Thai: Ada kerisauan ditimbulkan kerana kurang jaminan keselamatan di bahagian sempadan, dimana penyeludupan barangan, senjata dan pendatang yang berleluasa. Orang-orang yang berintergriti diletakkan ditempat yang tepat untuk menjaga sempadan dan melindungi keselamatan negeri dan negara.

Lukas 18 mencatatkan sebuah perumpamaan yang diceritakan oleh Yesus, tentang dua orang yang ingin dibenarkan di hadapan Allah. Orang Farisi yang sangat angkuh tentang kebenarannya, dan dalam doanya dia menunjuk-nunjukkan pencapaian keagamaannya. Berbeza sekali, dengan pemungut cukai yang penuh dengan penyesalan dan sedar akan dosa-dosanya, yang berdiri agak jauh, sementara dia merayu supaya Allah mengampuni dia: *"Ya Allah, kasihanilah hamba, orang berdosa ini!"* Yesus berkata bahawa orang itu pulang diterima oleh Allah.

Belas kasihan Allah adalah topik yang wujud diseluruh Alkitab. Banyak kali, orang disembuhkan, diselamatkan dan dibebaskan kerana belas kasihan-Nya: seorang buta berseru kepada Yesus, *"Yesus, Anak Daud, kasihanilah aku!"* dan dia menerima penglihatan, seorang yang dirasuk oleh roh jahat dibebaskan; rasul Paulus diselamatkan selepas pertemuannya dengan Tuhan dalam perjalanannya ke Damsyik dan dia bersaksi, *"aku diberi belas kasihan..."*, dan seorang penjenayah yang sedang mati di atas salib meminta Yesus mengingatkan dia apabila Dia menjadi Raja. Tetapi Yesus meyakinkan dia bahawa dia akan bersama Yesus di Firdaus pada hari itu juga.

Dalam buku renungannya, *Heartlight Morning Devotional*, Charles Spurgeon seorang pengkhotbah British menerangkan berbagai aspek keajaiban belas kasihan Allah iaitu sebagai belas kasihan yang lembut, belas kasihan yang sangat baik, belas kasihan tidak sepatutnya diterima, belas kasihan yang kaya, belas kasihan yang tidak pernah berakhir. Marilah kita memuji Allah kerana kasih dan belas kasihan-Nya yang terus menerus menyelamatkan kita.

Negeri-negeri di Malaysia: Selangor

Menteri Besar akan mentadbir negeri dengan hikmat dan kejujuran, agar dia ada keberanian untuk tidak bertolak ansur dengan kegiatan rasuah.

Menentang kadar jenayah yang semakin buruk: Allah campurtangan – supaya Dia menyediakan kecukupan bagi mereka yang berkeperluan. Mereka yang tiada pekerjaan akan mendapat kerja dan supaya bantuan akan diberikan kepada mereka yang dalam keadaan terdesak. Allah melindungi keluarga-keluarga dari pengaruh kejahatan seperti samseng, penyalahgunaan dadah dan perjudian.

Gereja-gereja di kawasan-kawasan mewah di dalam negeri supaya dapat melihat keluar, dan berkongsi kekayaan mereka dengan saudara dan saudari yang berkeperluan.

Pulihkanlah kami, ya Allah penyelamat kami, jangan murka lagi kepada kami. Mazmur 85:5

NEGARA KITA MEMERLUKAN PEMULIHAN YANG SEGERA. Tetapi sebelum kita mengalami kebangunan rohani, kita, Gereja-Nya, perlu memastikan bahawa kita berada dalam sikap yang betul semasa kita datang ke hadirat-Nya.

Ya Tuhan, biarlah kami merasa hancur dan penuh penyesalan di dalam Kristus *"tetapi jika mereka berdoa kepada-Ku lalu bertaubat dan berhenti melakukan perbuatan jahat, maka dari syurga Aku akan mendengarkan mereka, dan mengampunkan dosa mereka, serta menjadikan negeri mereka makmur semula."* (1 Taw. 7:14). Sewaktu kita meminta Allah untuk memulihkan negara kita, marilah kita pertama sekali mengakui kesalahan kita sendiri dan datang dengan keadaan bersih di hadapan-Nya. Kita berdoa dengan berkesan apabila kita sedar akan siapa kita di hadapan Allah yang Kudus.

Ya Tuhan, berikan kami kedamaian dan keyakinan di dalam Kristus

Masalah yang kita hadapi di dalam hidup kita dan negara boleh jadi sangat besar dan ia boleh merampas damai dari kita. Marilah kita jangan menumpukan mata kita kepada taufan – Yesus ada di dalam perahu bersama dengan kita, dan Dia Tuhan di atas angin dan ribut itu!

Ya Tuhan, berikan kami pemikiran yang jelas

Kesukaran ada cara untuk mengacau-bilau pemikiran dan doa-doa kita. Adakah kita mampu berfikir dengan jelas, dan lebih penting lagi – mendengar perintah-Nya dengan tepat? Atau adakah kita mudah terganggu dengan suara-suara yang bising dan pendapat yang kuat? Jika kita hendak berkesan dalam doa untuk kebangunan rohani, kita mesti ada strategi dalam doa kita -perancangan yang diberi oleh Roh Kudus.

Negeri-negeri di Malaysia: KELANTAN

Gereja di Kelantan supaya menjadi cahaya yang bersinar dan satu perwakilan yang berkuasa tentang kasih dan kebaikan Kristus di Kelantan.

Kerajaan negeri: menjadi pengurus kewangan negeri yang baik, tulus dan adil dalam menangani kebajikan yang miskin, dan juga bantuan kepada mangsa-mangsa bencana seperti banjir.

Perlindungan: Beberapa tahun kebelakangan ini kita melihat banjir yang sangat dahsyat di Pantai Timor. Mohon Allah berbelas kasihan dan menghalang air banjir. Perlindungan Allah dari keganasan militan di sebelah sempadan Malaysia-Thai.

UNTUK TIDAK MEMPERDULIKAN KETIDAKPERCAYAAN belas kasihan Allah akan *"kebuluran sehingga mati hanya di luar dewan makan di mana kita dijemput dengan senang hati."* A.W. Tozer mengingatkan kita untuk menangkap sukacita yang murni melalui pengalaman peribadi tentang belas kasihan Allah, percaya bahawa ianya *"tidak terbatas, percuma melalui Yesus Kristus Tuhan kita, kita dapat perolehinya untuk situasi sekarang."* (A.W.Tozer, *The Knowledge of the Holy*).

Tetapi keriangian dewan makan Allah adalah untuk dikongsikan. Apabila orang Farisi menegur Yesus ketika makan bersama pemungut cukai dan orang berdosa, Yesus menjawab, *"...Carilah makna ayat Alkitab ini: 'Aku menghendaki belas kasihan dan bukan korban binatang.' Itulah sebabnya Aku tidak datang untuk memanggil orang yang menganggap diri mereka baik, tetapi orang yang dihina masyarakat."* (Mat 9:13). Mustahil untuk melakukan kewajiban agama dan "pengorbanan", dan masih jauh dari Allah dan tidak berbelas kasihan terhadap orang lain.

Yesus mengingatkan kita, bahawa *"secara percuma kamu mendapatnya, secara percumalah kamu memberi."* Allah dengan murah hati telah menghapuskan hutang dosa kita yang banyak itu, dan kita harus memberikan anugerah dan belas kasihan itu kepada orang lain. **Adakah hutang yang perlu kamu hapuskan? Apakah langkah ketaatan yang kamu perlu lakukan untuk menunjukkan belas kasihan Allah kepada seseorang?**

Negeri-negeri di Malaysia: Terengganu

Hati yang berbelas kasihan: mendorong gereja-gereja di Terengganu untuk menjangkau dan mengongsikan injil melalui sikap murah hati dan kasih. Semangat berapi dinyalakan semula di gereja-gereja.

Melawan puak pelampau dan untuk sikap yang sederhana. menentang sikap radikal yang sedang meningkat di dalam negeri.

Kerjasama antara badan kerajaan dan badan bukan kerajaan :mengambil tindakan terhadap bencana seperti banjir.Melawan sikap perkauman dan agenda politik dalam kawasan ini. Persiapan yang baik dalam mengambil tindakan ketika berlakunya kecemasan.

Nehemiah diselubungi dengan kesedihan. Apabila dia mendengar bahawa tembok Yerusalem masih runtuh, dia tidak boleh duduk diam dan tidak membuat apa-apa. Dia tahu yang dia perlu membantu, tetapi tidak tahu bermula dari mana, dan dia berpaling kepada Tuhan: *"Selama beberapa hari aku meratap dan tidak makan apa-apa. Aku berdoa kepada Allah."*(Nehemiah 1: 4)

Allah memperkenankan dia di depan mata raja Persia yang dia layani sebagai juru minum raja, dan raja mengutusnya untuk membina semula tembok Yerusalem, serta menyediakan segala keperluannya untuk melakukannya.

Begitu banyak sistem negara kita yang gagal, dibiarkan terbangkalai dan sangat-sangat perlu dibaiki semula. Selalunya apabila kita melihat dari aspek kegagalan, kita merasa putus asa dan tidak tahu apa yang perlu dilakukan atau dari mana untuk memulakannya.

Tetapi sama seperti Dia melengkapkan dan membolehkan Nehemiah untuk melakukan tugas yang besar iaitu membina semula reruntuhan tembok, Dia juga mempunyai perancangan bagi kita untuk membangunkan Malaysia semula. Begitu juga halnya dengan segi kehidupan kita, yang kita rasakan terbiar musnah-tiada kerja yang terlalu besar bagi Allah kita. Marilah kita memandang kepada-Nya untuk rancangan-Nya yang sempurna, agar Dia akan menunaikan permintaan kita untuk pekerjaan yang harus dikerjakan.

Negeri-negeri di Malaysia: Perlis

Pemerdagangan manusia: Wang Kelian yang bersempadanan dengan Malaysia-Thai telah dikenalpasti sebagai laluan utama bagi pedagang manusia untuk menyeludup pendatang. Tahun lalu, kubur besar yang mempunyai sebilangan pendatang yang mati sewaktu dikurung oleh penyeludup, telah ditemui di tapak perkhemahan terbiar berhampiran sempadan tersebut. Meningkatkan langkah perundangan bagi menamatkan kegiatan yang tidak berperikemanusiaan ini.

Keluarga-keluarga: Berdoa supaya Allah memberkati dan menguatkan keluarga-keluarga – Allah melindungi ibu bapa daripada bercerai dan anak-anak mereka daripada gejala sosial seperti penyalahgunaan dadah.

Pembangunan ekonomi: Pertanian merupakan sumber pendapatan utama bagi masyarakat luar bandar di Perlis. Berkat Tuhan ke atas tanaman dan untuk para petani mempunyai peluang untuk menggunakan teknologi yang inovatif bagi memperbaiki pengeluaran dan daya tahan tanaman.

AKAN DATANG MASANYA apabila kita perlu bangkit, mengambil langkah iman –dan bertindak. Hal ini yang dilakukan oleh Nehemiah– kerana dia tahu apa yang perlu dilakukan. Walaupun tiada cara untuk menjangka apa cabaran yang akan dihadapi dalam melakukan sesuatu pekerjaan, tetapi Nehemia yakin bahawa Allah bersama dengannya, dan itu sudah cukup. Dia tahu bahawa itu merupakan “panggilan”.

“Lihatlah keadaan kita yang sengsara ini! Kota Yerusalem tinggal reruntuhan dan pintu-pintu gerbangnya musnah dimakan api. Marilah kita bina semula tembok kota supaya kita tidak dihina lagi.” Kemudian aku menceritakan bagaimana Allah menyertai dan menolong aku, dan apa yang sudah dikatakan oleh raja kepadaku. Mereka menjawab, “Marilah kita mula membinanya!” Kemudian mereka bersiap untuk memulakan pekerjaan itu. (Neh.2:17-18)

Ketika kita melihat sekitar kita di dalam negara ini – inflasi meningkat, peningkatan kadar jenayah, ekonomi yang tidak stabil, ketidakadilan yang nyata dan rusuhan politik. Negara kita dalam bahaya, dan hanya Allah yang mempunyai jalan penyelesaian.

Sebagai Gereja-Nya – umat-Nya, pembina-Nya, tentera-Nya – kita perlu mencari Dia untuk rancangan-rancangan-Nya yang tidak pernah gagal bagi negara kita. Setelah itu kita perlu bertindak untuk bekerja.

Negeri-negeri di Malaysia: Negeri Sembilan

Allah memberkati Yang di-Pertuan Besar dan keluarganya: tidak akan goyah sebagai tiang dan pemimpin kepada kesederhanaan, keharmonian kaum dan membangunkan kerajaan yang baik.

Usaha membangunkan negeri bebas dari rasuah dan dilaksanakan dengan penuh ketekunan dan bertanggungjawab. Allah memberkati atas usaha-usaha mereka dan berhasil.

PERNAHKAH ANDA BERGANTUNG KEPADA PERANTI GPS untuk membantu anda mencari tempat, tetapi kemudian kehilangan isyarat di pertengahan jalan atau ia menunjukkan arah yang salah? Ini mungkin bermaksud satu daripada dua hal – peranti tersebut perlu dikemaskini atau dipertingkatkan kualitinya.

Sebagai juru minuman diraja, kehidupan Nehemiah terarah kepada setiap arahan dari istana diraja. Dia memainkan peranan penting –kerana raja bergantung kepadanya untuk memastikan baginda tidak diracuni dengan minuman yang disediakan.

Kemudian kehidupan berubah dengan tidak dijangkakan – apabila Allah menugaskannya untuk mengetuai kerja membina semula tembok Yerusalem yang runtuh, dan dia mentaati. Hal tentang menghidupi hidup kita mengikut rancang Allah – yang Dia telah tetapkan jauh sebelum kita dilahirkan – adalah yang mungkin tidak dapat dijangkakan. Walaupun, ia sempurna atau tidak akan gagal, dan apa yang sudah ditentukan-Nya ketika Dia menciptakan kita.

Walau bagaimanapun, kalau kita memilih untuk tidak mentaati atau mencari semua itu, hal ini sama seperti berharap kepada peranti GPS yang rosak atau ketinggalan zaman – akhirnya kita sesat dan ketinggalan peluang dari apa yang seharusnya kita lakukan. **Adakah anda berharap kepada pimpinan Allah dalam kehidupan anda?**

Negeri-negeri di Malaysia: Pahang

Peluang yang sama rata dan adil kepada Orang Asil di Pahang.

Bahagian pedalaman negeri ini merupakan tempat tinggal bagi berbagai suku kaum yang dipaksa untuk berpindah disebabkan pembangunan dan juga diskriminasi. Orang-orang yang benar diletakkan untuk menguruskan kebajikan Orang Asli di Pahang.

Melawan penggunaan sumber alam di Pahang yang kaya dengan sumber mineral. Pihak berkuasa mengambil tindakan terhadap pihak yang tidak bertanggungjawab, yang bukan sahaja menyebabkan kesan negatif kepada alam sekitar tetapi juga kepada penduduk yang tinggal dikawasan berkenaan.

Ya TUHAN, Allah kami, berkatilah kami, dan berilah kami kejayaan dalam segala usaha kami. Mazmur 90:17

SEMASA PARA PEMBINA MENJALANKAN TUGAS, semua yang mereka lakukan dipersembahkan kepada Allah. Mereka tahu bahawa kerja yang mereka lakukan merupakan arahan daripada Allah. Dengan itu, Dia akan memperkenankan permintaan mereka dan melengkapi mereka untuk menghadapi cabaran yang akan datang.

Allah telah menugaskan anak-anak-Nya untuk menjadi pembina- pembina untuk membina orang melalui pemuridan dan membina Kerajaan-Nya di bumi, dan sebahagian daripada ini adalah menjadi pembina negara. Alkitab berkata bahawa melalui Yesus Kristus, kita telah ditahbiskan untuk membawa hadirat-Nya ke dalam dan melalui pekerjaan kita.

Disebabkan sifat manusia berdosa, menyerahkan pekerjaan kita dan kehidupan kita kepada Allah haruslah dilakukan dengan sengaja, sebagai usaha harian. Pemazmur berdoa, *"Semoga kata-kata dan renunganku diterima oleh-Mu, ya Tuhan, pelindung dan penebusku!"* (Mazmur 19:15) **Adakah anda merasa berpuas hati dalam penyerahan hidup dan pekerjaan anda kepada Allah? Apabila anda berjalan dalam rencana-Nya, Dia akan menuntun anda untuk melakukan sesuatu yang lebih besar dari apa yang anda fikirkan mungkin!**

Negeri-negeri di Malaysia: Sabah

Allah melindungi sempadan Sabah, yang semakin terancam dan peningkatan yang mendadak dalam bilangan kes penculikan dan serangan militan.

Memutuskan keterikatan dengan rasuah yang penuh dengan pelbagai cara dalam perdagangan yang jahat, dan telah menghalang negeri daripada kemakmuran. Kerajaan negeri melakukan kerja yang benar untuk melindungi dan memakmurkan negeri.

Allah melindungi dan memulihkan Gereja di Sabah, menjadi rumah api dan berkat, menyinari cahaya Kristus di tempat-tempat yang gelap dan membawa harapan kepada setiap suku dan bahasa.

"Jangan takut akan musuh. Ingatlah betapa besar dan hebatnya Tuhan kita, dan berjuanglah untuk saudara-saudara kamu, anak isteri kamu, dan rumah-rumah kamu.... Allah kita akan berperang untuk kita." (Neh. 4:14b, 20b)

PARA PEMBINA BERASA LETIH DAN PUTUS ASA. Kerjanya membosankan dan mereka telah bekerja berminggu-minggu. Para pemimpin dari kawasan jiran telah mencemuh mereka, bahkan mengancam untuk menyerang mereka.

Pernahkah terasa begitu, walaupun kamu sedang melakukan apa yang kamu tahu bahawa Allah telah suruh kamu melakukannya? Nabi Elia telah mengalaminya. Takut akan hidupnya, letih berlari dan sedih, dia mahu berhenti.

Tuhan datang kepadanya, beri dia makan dan biarkan dia rehat, dan apabila dia sudah ada cukup tenaga, Elia meneruskan tugasnya.

Apabila kita letih dan lesu, Yesus berkata, *"Datanglah kepada-Ku"*. Dalam hadirat-Nya, kita akan menemui, seperti yang telah pemazmur rasa, *"Sekalipun jiwa ragaku menjadi lemah, Engkaulah kekuatanku, ya Allah; hanya Engkau yang aku perlukan selama-lamanya. (Maz. 73:26)* **Apakah tentangan-tentangan yang anda hadapi dalam hidup anda. Bawalah semuanya kepada Allah yang menjadi Pembebas anda.**

Negara Malaysia: Sarawak

Aktiviti-aktiviti pembalakan haram di negeri dan perlindungan hak-hak tanah adat.

Semua wakil rakyat supaya dapat menunaikan janji-janji pilihan raya mereka.

Kemasukan ke kemudahan asas dan pendidikan di kawasan luar bandar.

Kesatuan Gereja

Baca Kejadian 12:1-8

"Mezbah-mezbah Doa adalah Pintu Gerbang di antara alam fizikal dan alam rohani." Ketika Allah mencipta manusia, Dia memberi kita kekuasaan ke atas bumi. Begitulah otoriti kita, siapa sahaja yang kita sembah dan jemput ke dalam kawasan akan diberi hak untuk masuk. Begitulah mezbah doa ia lebih daripada sekadar tempat berdoa. Ia mencipta pintu masuk untuk kuasa-kuasa rohani masuk ke dalam negara kita.

Ketika Allah memanggil Abraham ke Kanaan, tempat itu dahulunya dipersembahkan kepada dewa-dewa melalui mezbah-mezbah yang telah didirikan untuk mereka. Kerana itu, di mana sahaja Abraham pergi, dia mendirikan mezbah doa kepada Tuhan, mempersembahkan korban, melayani Tuhan dan menjanjikan tempat itu untuk Allah. Dengan cara ini dia mengubah suasana rohani Tanah itu dan menguasainya.

Dengan cara yang sama, Allah mahu kita menguasai suasana rohani di tempat tinggal kita, kerja dan menyembah. Kita hanya dapat melakukan ini apabila kita membina mezbah doa kepada Tuhan. Yesus mengajar kita berkata, "Semoga Engkau memerintah di bumi dan seperti di syurga kehendak-Mu ditaati." Di mana kerajaan-Nya dibina, kegelapan mesti lari. **Sudahkah anda mula membina mezbah doa untuk membawa Kerajaan-Nya masuk?**

Negara Malaysia: Wilayah Persekutuan Kuala Lumpur

Kerajaan dan inisiatif Badan bukan kerajaan supaya membaiki keadaan tempat tinggal mereka yang miskin di kawasan bandar, dan menyediakan sumber pencarian yang tetap. Menentang setiap bentuk korupsi dan kepentingan diri dalam daya-daya usaha ini.

Menentang jenayah: Kuala Lumpur telah menjadi semakin berbahaya dalam beberapa tahun kebelakangan ini, kerana kemiskinan, penyalahgunaan dadah, aktiviti berkaitan samseng, dll. Berserulah kepada Allah untuk melindungi kota, supaya Dia menggerakkan pihak polis untuk membentras jenayah dengan lebih berkesan.

Baca Kejadian 19

"Sama seperti mezbah kudus menuntut tanah untuk Allah mezbah yang tidak kudus juga cuba menarik hadirat jahat dan menuntut tanah untuk kegelapan."(Mezbah Doa oleh John Mulinde). Apa yang akan terjadi jika orang kudus tidak memperduli untuk membina mezbah-mezbah untuk memanggi nama Tuhan?

Keseluruhan kitab Kejadian, kita tidak mendapati Lot membina mezbah doa, seperti pakciknya Abraham, dan akibat daripada kecuaiannya itu dia telah mendatangkan malapetaka: dia menyerah kepada kekejaman Sodom dan Gomorrah, dia kehilangan isteri dan harta, dan akhirnya, warisannya – anak-anak perempuannya terlibat dalam sumbang kadim dan melahirkan anak kepada generasi tidak bertuhan, bangsa Amon dan bangsa Moab.

Di mana ada mezbah-mezbah tidak kudus kepada roh-roh iblis, roh-roh itu diberi kuasa rohani di atas tempat itu, dan dibenarkan mempengaruhi kekejian di kalangan penduduknya. Satu cara mentang mereka adalah mengambil masa dan usaha untuk membina mezbah-mezbah kudus untuk Tuhan. Dimana Dia disembah dan dialu-alukan untuk menentang kuasa-kuasa jahat ini.

Lihatlah di sekeliling kejiranan anda, berapa banyakkah mezbah-mezbah yang tidak kudus yang masih aktif? Apakah jenis roh yang telah dijemput masuk ke dalam negara kita? Apakah kesannya terhadap negeri kita? Ingat bahawa mezbah yang paling aktif – kudus atau tidak kudus – akan menguasai kawasan itu.

Negara Malaysia: Wilayah Persekutuan Labuan

Penguatkuasaan undang-undang yang lebih tegas dan ketat :

Sebagai pelabuhan antara bangsa dan pusat barang bebas cukai – mendedahkan Labuan kepada banyak perniagaan yang tidak sihat yang dibekalkan kepada antara bangsa, seperti pelacuran dan penyeludupan barangan. Allah menutup semua lubang-lubang di sempadan-sempadan dan melindungi negari.

Gereja di Labuan: Allah menguatkannya menjadi terang di dalam gelap, dan tempat yang selamat untuk mereka yang memerlukan. Gereja digerakkan untuk membina mezbah-mezbah doa untuk mengambil balik negeri itu untuk kerajaan-Nya, dan supaya ia dapat melihat suatu pemulihan.

Baca Keluaran 33:7-9

"Inti pati Mezbah Doa adalah masuk ke dalam Hadirat Allah"

Sementara kebanyakan persekutuan doa kita fokus kepada permohonan dan jawapan kepada doa-doa kita, mezbah-mezbah doa fokus kepada Allah sendiri. Di mezbah-mezbah doa, kita ingin melayani Allah supaya hadirat-Nya akan tinggal dengan kita. Keinginan kita supaya Allah diam dengan kita, bukan sahaja melawat kita. Apa yang membezakan orang Kristian daripada orang dunia adalah hadirat Allah.

Hadirat Allah itu nyata, dan dapat dirasa walaupun oleh mereka yang tidak mengenal Dia. Dalam hadirat-Nya, orang sakit disembuhkan, yang dirasuk dibebaskan, dan kita dapat melihat orang diselamatkan. Gereja dan rumah kita akan melihat perubahan apabila Allah dimuliakan dalamnya.

Dalam Yohanes 15:5 Yesus berkata: *"Akulah pokok anggur dan kamu carang-carangnya. Sesiapa yang tetap bersatu dengan Aku, dan Aku dengan dia, akan berbuah lebat; kerana tanpa Aku, kamu tidak dapat berbuat apa-apa."* Bersatu dengan Dia mempunyai kehadiran-Nya dalam diri kita. Tanpa kehadiran-Nya kita tidak dapat menghasilkan buah yang berkekalan.

"Bersatu dalam kemampuan ilahi dan berhubung dengan Dia yang menciptakan dia adalah rahsia kepada otoriti manusia." (Mezbah Doa oleh John Mulinde). Seperti tubuh kita adalah rumah Roh Kudus, tempat mezbah itu adalah hati kita.

Negara Malaysia: Wilayah Persekutuan Putrajaya

Setiap jabatan kerajaan di Putrajaya – Allah memberkati mereka dan mencurah hikmat, kebenaran dan intergriti. Agar Dia memberi mereka strategi untuk pemerintahan dan pengurusan yang baik bagi negara.

Orang yang taat kepada Tuhan diletakkan dalam kedudukan berotoriti dan dalam pentadbiran. Allah memberkati dan menguatkan mereka yang sudah ada di sana.

Baca Roma 12:1-3

Apakah yang kita lakukan di mezbah-mezbah doa kita? Paulus menulis tentang mempersembahkan tubuh kita sebagai korban yang hidup dan mempersembahkan penyembahan yang benar.

Mezbah membayangkan bahawa akan ada korban. Tindakan mengorbankan sesuatu di atas mezbah adalah untuk menghormati apapun tujuan mezbah itu didirikan sebagai tempat penyembahan. Sebab kenapa kejahatan wujud dan berleluasa hari ini, adalah kerana ramai orang telah mempersembahkan korban besar-beasaran – termasuk hidup mereka – di atas mezbah-mezbah yang tidak kudus.

Dengan cara yang sama, di atas mezbah-mezbah doa kita, kita mempersembahkan pengorbanan – masa kita, gangguan-gangguan kita, kasih sayang kita, dan hidup kita. Berpuasa adalah satu bentuk pengorbanan – Yesus berpuasa 40 hari untuk mengalahkan pencubaan-pencubaan Iblis.

Sewaktu kita berpuasa, kita perlu meluangkan masa untuk menyembah dan menyanjung Nama-Nya. Kita seharusnya mengambil banyak masa untuk membaca Firman-Nya, supaya kita dapat meluaskan keupayaan kita untuk Dia.

Suku bangsa di Malaysia: Orang Melayu

Memberkati, melindungi dan memakmurkan orang Melayu

kumpulan majoriti yang ada di Malaysia. Mereka yang tinggal di kawasan pedalaman melihat kepentingan pendidikan untuk anak-anak mereka, dan tidak mengelak dari peluang-peluang yang ditawarkan kepada mereka.

Keharmonian kaum di kalangan semua suku bangsa di Malaysia, tanpa mengira etnik, agama atau fahaman.

Baca Kisah Rasul 2:42-47

Berbeza dari Kristian moden hari ini, Gereja awal tidak banyak menumpuhkan kepada program-program dan pelayanan-pelayanan. Teras fungsi mereka selalu berkisar sekitar penyembahan, persekutuan, Firman Allah dan doa. Dengan itu, Gereja awal, adalah mezbah setiap hari untuk Allah.

Matius mencatat Yesus berkata, *"Telah tertulis: Rumah-Ku akan disebut rumah doa."* Yesus bukan mengabadikan bahawa kita menggunakan doa sebagai satu cara untuk mendapat sokongan Allah kepada program-program kita. Apa yang Dia maksudkan adalah supaya apabila rumah-Nya – Gereja-Nya – membuat doa sebagai keutamaan (bukan sebahagian daripada program-nya), baharulah apa yang mengalir dari daya usahanya akan berkesan sehingga kepada semua bangsa.

Mezbah doa gereja adalah yang masih paling penting dimana jemaat dapat datang dan menyalakan mezbah-mezbah doa peribadi mereka dengan hadirat Allah. Apabila gereja melaburkan masa untuk membina mezbah bersama-sama, ramai anggotanya akan bertumbuh lebih mengasihi Allah dan mereka juga akan membangkitkan untuk membina mezbah-mezbah doa peribadi mereka di tempat sendiri, untuk keluarga dan mungkin di tempat kerja mereka.

Melalui mezbah-mezbah doa yang giat di gereja-gereja kita ini, di rumah-rumah dan komuniti yang akan membuat suasana rohani dalam kota kita berubah.

Selamat Hari Merdeka! Semasa kita memperingati kemerdekaan negara kita, marilah kita terus maju ke hadapan dan berdoa untuk Malaysia supaya benar-benar di bebaskan, melalui karya penebusan Yesus Kristus!

Suku bangsa di Malaysia: Orang Cina

Memberkati, melindungi dan memakmurkan masyarakat orang Cina. Agar pemikiran budaya tidak menjadi penghalang untuk anggota komuniti menerima injil dan keselamatan.

Keharmonian kaum di kalangan suku kaum di Malaysia, tanpa mengira etnik, agama atau fahaman.

Baca Yohanes 10

PERNAHKAH ANDA BERASA SANGAT TERTEKAN, KELIRU DAN KONFLIK pada masa di mana anda perlu membuat keputusan, tapi anda tidak pasti manakah keputusan yang tepat— kerana terlalu banyak suara? Terlalu banyak pendapat (termasuk pendapat anda sendiri), terlalu banyak pilihan – dan anda tidak pasti keputusan mana yang tepat.

“Dia memanggil nama setiap ekor domba. Lalu gembala itu memimpin kawanan domba keluar. Setelah dia membawa kawanan domba itu keluar, dia berjalan di hadapan dan domba-domba itu mengikuti dia kerana mengenal suaranya. Kawanan domba itu tidak akan mengikuti orang lain, bahkan akan lari daripadanya kerana tidak mengenal suara orang itu...domba Ku mengenal suara Ku.” Kata Yesus (Yoh 10:3-5)

Pendengaran yang teliti dan hati yang taat. Itu adalah dua perkara yang kita perlu untuk sentiasa dekat dengan Tuan kita, dan kita perlu meluangkan masa untuk mempraktikkannya.

Dapatkah kita mengenalpasti suara Gembala Baik kita yang akan memanggil kita untuk menjauhi daripada bahaya, dan membawa ke kawasan padang rumput dan sungai yang tenang?

Suku kaum di Malaysia : Kaum India dan Sikh

Allah memberkati, melindungi dan memberi kemakmuran kepada kaum India dan Sikh. Pemikiran budaya mereka tidak lagi menghalang mereka untuk menerima Injil dan keselamatan.

Peluang yang sama rata untuk seluruh rakyat Malaysia, terutamanya dari segi pendidikan, sosial dan ekonomi. Orang-orang benar di kalangan kaum India dan Sikh akan bangkit menjadi pemimpin di dalam negara.

Keharmonian kaum di kalangan semua suku kaum di Malaysia, tanpa melihat etnik, agama atau kepercayaan.

Baca Kisah Para Rasul 16

PAULUS DAN RAKAN-RAKANNYA pergi dari kota ke kota untuk menginjil. Sewaktu dalam perjalanan mereka, gereja-gereja semakin dikuatkan dan bilangannya semakin bertambah. Ketika mereka sampai di wilayah Roma yang di Asia, di mana terletaknya ke tujuh buah gereja yang dicatat dalam kitab Wahyu, Roh Allah menghalang mereka memberitakan Firman Allah, dan tidak membenarkan mereka masuk di beberapa kawasan tertentu. Oleh yang demikian, mereka pergi ke bahagian barat.

Sepanjang perjalanan mereka, Paulus dan rakan-rakannya sangat peka kepada pimpinan Roh Kudus. Roh Kudus memimpin mereka ke tempat yang tepat dan kadang-kadang melakukan tindakan tertentu. Hanya Allah yang tahu tempat-tempat dan orang-orang yang sudah siap menerima Injil.

Allah berbicara kepada umat-Nya dengan pelbagai cara, dan ini sangat penting untuk kita supaya belajar mengenal suara-Nya dan sentiasa peka, kerana Dia selalu memimpin kita. **Apakah peranan suara Allah ketika anda membuat keputusan?**

Suku kaum di Malaysia :Peranakan/Baba Nyonya

Allah memberkati , melindungi dan memberi kemakmuran kepada kaum Peranakan. Pemikiran budaya mereka tidak lagi menghalang mereka untuk menerima Injil dan keselamatan.

Kepercayaan tahyul dan ritual memainkan peranan penting dalam budaya Baba Nyonya. **Allah melepaskan keterikatan kaum ini** kepada kepercayaan tahyul dan ritual dan juga biar hati mereka menjadi tanah yang subur untuk menerima injil.

Keharmonian kaum di kalangan semua suku kaum di Malaysia, tanpa melihat etnik, agama atau kepercayaan.

Baca Matius 2:12-23

YUSUF BINGUNG. Dia telah diperingatkan bahawa anaknya yang baru lahir, iaitu Yesus, berada dalam bahaya. Raja Herodes kemudiannya sedar bahawa dia sudah ditipu oleh ahli-ahli kajibintang dari timur, dan dia melepaskan murkanya dengan memerintah supaya membunuh semua anak lelaki yang di Bethlehem. Dan Yusuf telah membawa keluarganya pergi ke Mesir.

Setelah beberapa tahun, Tuhan berbicara kepada Yusuf lagi - Raja Herodes sudah mangkat, dan sudah selamat untuknya kembali ke Israel. Namun dalam mimpi seterusnya, Allah mengarah Yusuf untuk tidak pergi ke negeri Yudea, sebaliknya mereka pergi ke Kota Nasaret.

Yusuf dalam Perjanjian Lama juga sering mendengar dari Allah melalui mimpi - di mana dia telah menerima arahan yang jelas tentang apa yang perlu dia lakukan. Apapun cara Allah memilih untuk menyampaikan perintah-Nya kepada kita, sama ada itu melalui mimpi, suara Allah itu disertai dengan kemampuan kuasa-Nya atas kita untuk menilai dan memahami perintah-Nya. Allah tidak pernah menyampaikan sesuatu untuk mengelirukan kita tetapi sebaliknya memberinya dengan jelas kepada kita. Cerita Yusuf adalah contoh bagaimana Allah hendak berbicara kepada kita ketika menghadapi keadaan yang membingungkan dan memberi kita teguran, nasihat, bimbingan dan halatuju yang jelas. Dia juga boleh memilih pelbagai cara untuk berkomunikasi dengan kita jika kita peka dan dapat mengenal suara-Nya.

Situasi apakah yang perlu dijelaskan dalam kehidupan anda pada saat ini? Serahkan kepada Allah.

Suku kaum di Malaysia: Kaum Chetti

Allah memberkati, melindungi dan memberi kemakmuran kepada masyarakat Chetti. Meski pun jumlah mereka kecil, namun pada suatu masa dahulu kaum Chetti adalah kaum yang terkemuka dalam masyarakat. Pemikiran budaya dan pegangan kepada agama Hindu atas kaum ini akan dilepaskan, dan supaya injil keselamatan akan ditanam dengan kukuh di kalangan mereka.

Keharmonian kaum di kalangan semua suku kaum di Malaysia, tanpa melihat etnik, agama atau kepercayaan.

Baca 1 Raja-raja 19:9-18

NABI ELIA telah melalui keadaan yang sangat sukar. Dia berlari, jauh daripada Izebel yang kejam, yang telah bersumpah untuk membunuh dia. Setelah 40 hari melarikan diri di padang gurun, akhirnya dia tiba di Gunung Horeb – gunung Allah - dan menyembunyikan dirinya di dalam sebuah gua, dan bermalam di situ. Kemudian Tuhan berfirman kepada Elia untuk keluar dari gua itu dan berdiri di puncak gunung dan Tuhan lalu di situ.

Kejadian berikut sangat dramatik: pertama, angin kencang dan kuat, kemudian gempa bumi dan selepas itu api.- namun Tuhan tiada di dalamnya. Sebaliknya, Dia berbicara kepada Elia yang letih dan putus asa, dalam keadaan tenang dan suara yang lembut. Itu menggambarkan belas kasihan Allah, dan pembekalan serta anugerah-Nya. Di Gunung Karmel, Tuhan telah berbicara melalui api. Tetapi kali ini, Dia tahu bahawa jiwa Elia yang terluka perlu mendengar suara Tuhan yang lembut untuk meyakinkan dia.

Ditengah-tengah ketakutan dan ribut taufan, Allah dalam kasih-Nya yang tidak terbatas untuk kita, akan mencapai kita dengan lemah lembut. **Bilakah kali terakhir anda mendengar bisikan Allah yang lemah lembut? Apakah yang dikatakan-Nya?**

BERDOA

Suku kaum di Malaysia: Orang Asli Malaysia Barat

Orang Asli ialah penduduk asal semenanjung Malaysia. Mereka telah menetap di sini lebih dari seribu tahun yang lalu. Ancaman terbesar yang nyata hari ini terhadap budaya Orang Asli, identiti diri dan nafkah hidup mereka telah dirampas daripada tanah tradisi mereka. Kadar kemiskinan di kalangan Orang Asli adalah sangat tinggi. Laporan pada tahun 2010 menunjukkan hampir separuh daripada penduduk Orang Asli hidup di bawah garis kemiskinan.

Orang Asli supaya diberi penglibatan secara langsung dan mengendalikannya program yang dirancang dan diusahakan oleh Jabatan Hal Ehwal Orang Asli (JHEOA).

Lebih banyak perkampungan Orang Asli di wartakan secara rasmi sebagai Kawasan Orang Asli atau Rizab, dan setelah diwartakan, perkara tersebut tidak boleh diambil semula untuk tujuan pembangunan dan perlombongan.

Berkati Gereja dan pelayanan Orang Asli untuk menjangkau masyarakat ini. Keluarga-keluarga supaya menitik beratkan pendidikan kepada anak-anak mereka, dan juga masyarakat kaum ini – terutamanya bagi anak muda – supaya diberikan hikmat dan keberanian untuk mempertahankan tanah dan hak mereka.

Nebuchadnezzar adalah seorang raja yang berkuasa. Dia menikmati kuasa, setelah menakluk negara-negara jiran – sehingga ia membuatnya angkuh, dan mendorong dia mendewakan dirinya, walaupun selepas mengakui bahawa tiada Allah seperti Allah orang Yahudi (Dan.2:46-47)

Allah telah memberi amaran kepadanya di dalam mimpi, bahawa jika dia gagal untuk mengakui Tuhan, dia akan kehilangan akal. Allah telah memberi amaran yang keras, dan masa untuknya bertaubat, tetapi Nebuchadnezzar memilih untuk mengeraskan hatinya dan hukuman Allah terlaksana.

Kerana Dia Mengasihi kita, kehendak Allah adalah tidak menghukum atau mengutuk kita – tetapi selalu memulih dan memberkati. Walaupun ketika menjalankan hukuman, Dia membenarkan pertaubatan dan pemulihan. **Adakah Allah berkata-kata tentang sesuatu kepada anda tentang sesuatu yang mungkin mendatangkan bencana ke atas hidup anda? Marilah kita cepat-cepat bertaubat.**

Suku kaum di Malaysia: Keturunan Portugese/Kristang
Berdoa supaya Allah memberkati, melindungi dan memakmurkan masyarakat Kristang. Ramai yang mengakui dirinya Kristian atau Katolik, berdoa untuk pemulihan iman di kalangan masyarakat ini – untuk pertemuan yang menyegar dengan Tuhan, supaya setiap anggota akan ada pembaharuan kasih terhadap injil, dan semangat untuk hidup bagi Yesus.

Dalam masa 52 tahun kita sebagai sebuah negara, Malaysia telah mengalami dua kebangunan rohani – dimana kedua-duanya berlaku di Sarawak: Pada tahun 1973, kebangunan rohani di Bario dan tahun 1984 kebangunan rohani di Ba'Kelalan. Kedua-dua kebangunan rohani ini berlaku kurang daripada tiga tahun, tetapi telah mengubah dua generasi Kristian secara berterusan.

Kebangunan Rohani di Bario tercetus apabila sekumpulan remaja sekolah menengah telah mengaku dosa-dosa mereka secara terbuka. Reaksi pertaubatan yang spontan menular di seluruh sekolah, kampung-kampung berhampiran dan antara generasi. Semangat untuk menginjil bernyala-nyala dan injil turut diberitakan ke kampung-kampung lain.

Kaum Lun Bawang di Ba'Kelalan terikat dengan kepercayaan animisme dan telah dilanda oleh pelbagai penyakit serta kemabukan, mereka telah dibiarkan oleh penjajah British untuk mati sampai pupus sebagai sebuah kaum – sehinggalah injil disampaikan kepada mereka pada tahun 1930. Gereja bertumbuh, tetapi pada tahun 70-an, kepercayaan wujud sebagai nama sahaja.

Kemudian pada tahun 1984, kebangunan rohani terjadi diikuti dengan tanda-tanda dan mukjizat: air bertukar menjadi minyak, beras menjadi tepung, di langit kelihatan bebola api dan lawatan malaikat. Kunci kepada kebangunan rohani ini bermula daripada seorang hamba Tuhan yang rendah hati bernama Agung Bangau. Sama seperti Kebangunan Rohani di Welsh pada tahun 1904 dan Kebangunan Rohani di Azusa Street pada tahun 1906, lawatan Roh Kudus di Ba'Kelalan membawa kepada ramai pertaubatan dan pemulihan.

Negara kita sangat memerlukan kebangunan rohani. Semasa menjalani masa berpuasa dan berdoa untuk Malaysia, marilah kita melakukannya dengan penuh kerendahan hati dengan yang hancur, agar Dia mendengar tangisan kita dan memulihkan negara kita.

Suku bangsa di Malaysia: Kaum Dayak

Allah memberkati, melindungi dan memakmurkan kaum Dayak .

Tuhan menempatkan individu yang tepat dari kalangan kaum Dayak untuk bekerja dalam sektor kerajaan dan yang berkuasa, yang akan melindungi masyarakat mereka, serta mempertahankan tanah adat serta hasil buminya.

Allah melepaskan ikatan kepercayaan animisme di kalangan kaum Dayak, agar mereka tahu akan kebebasan yang telah Kristus bayar melalui kayu salib.

Bandar-bandar dipenuhi dengan orang Yahudi yang telah datang dari seluruh dunia. Pengawalan yang lebih khusus diperlukan untuk mengawal hal ini. Suasana perayaan memenuhi Yerusalem di mana ribuan orang berpusu-pusu datang untuk merayakan Perayaan Pentakosta.

Di dalam sebuah bilik kecil di dalam kota, Roh Kudus dicurah ke atas 120 orang yang setia berdoa. Apa yang kelihatannya seperti lidah api menghinggapi mereka dan mereka mulai berkata-kata dalam bahasa-bahasa lain, sehingga mengejutkan orang ramai. Memetik kata-kata nabi Yoel, Petrus mengingatkan mereka:

"Kemudian Aku akan mencurahkan Roh-Ku kepada semua orang: anak lelaki dan anak perempuan kamu akan mengisytiharkan perkhabaran-Ku; orang tua kamu akan bermimpi dan orang muda kamu akan nampak penglihatan " (Yoel 2:28).

Tiga ribu orang diselamatkan pada hari itu. Ada Kebangunan Rohani yang lain dicatatkan di dalam Perjanjian Lama – di Samaria, di mana Filipus telah memberitakan injil dan ramai jiwa diselamatkan. Di antara mereka ialah, Simon seorang pengamal ilmu sihir, dan juga seorang sida-sida iaitu pegawai tinggi Ethiopia sewaktu dalam perjalanan ke Gaza (KPR 8:5). Sementara di Efesus, ramai orang yang terikat dengan ilmu sihir telah bertaubat.

Walau bagaimanapun, perlu diketahui bahawa setiap kebangunan rohani yang terjadi dalam Perjanjian Baru akan diikuti dengan penganiayaan. Sekiranya kita menginginkan kebangunan rohani terjadi, Gereja di Malaysia juga mesti ingin dikuat, kerana kebangunan rohani bukan saja menguatkan kita tetapi juga akan kesetiaan kita. **Adakah anda siap untuk kebangunan rohani seperti itu?**

Suku bangsa di Malaysia: Kaum Iban

Generasi muda Iban tidak berpasangan dengan orang yang tidak percaya dan supaya mereka kuat dalam iman mereka untuk membina keluarga yang melayani Tuhan.

Kaum Iban menerima kursus pertanian untuk menggunakan kaedah baru secara inovatif untuk menanam benih dan menuai tanaman yang bermutu untuk mencukupkan keperluan sendiri dan meningkatkan status ekonomi mereka.

Kaum iban yang terkenal dan yang telah menghasilkan karya serta menchapai kejayaan, agar mereka memperjuangkan hak-hak masyarakat mereka.

PADA MASA MUSA melakukan kerjanya sebagai gembala domba bapa mertuanya Yitro, di mana dia melihat suatu yang menarik perhatiannya. Api sedang menyala di tengah-tengah semak, tetapi ia tidak terbakar. Dia berhenti melihat kejadian yang aneh itu – dan akhirnya dia bersemuka dengan kemuliaan Allah.

Dalam Perjanjian Lama, Allah menyatakan kemuliaan-Nya kepada umat Israel dalam bentuk tiang awan pada siang hari, dan tiang api pada waktu malam. Penyataan kemuliaan-Nya menyebabkan orang Mesir berlutut dan Laut Merah terbelah. Dia memberi makan dan menghilangkan dahaga kepada hampir tiga juta orang yang mengembara di padang pasir.

Begitu kuat hadirat Allah yang turun di atas Rumah Tuhan yang dibina oleh Raja Salomo, sehingga para imam tidak boleh memasukinya. Apabila Nabi Yesaya melihat penglihatan tentang kemuliaan Allah yang Kudus, dia sedar kebenaran dirinya sama seperti kain kotor jika dibandingkan.

Kemuliaan yang sama diam di dalam kita hari ini. Bagaimanakah itu mungkin? Oleh kerana salib, Yesus menanggung dosa kita, supaya kita dapat menjadi tempat kediaman Roh Kudus yang tinggal di dalam kita. Kemuliaan-Nya yang agung mengubah kita, serta persekitaran kita – Dia telah melengkapi kita untuk membawa kebangunan rohani. **Bagaimanakah kita menjaga tubuh kita sebagai tempat kediaman Roh Kudus?**

Suku bangsa di Malaysia: Kaum Bidayuh

Puji Tuhan kerana baru-baru ini kes mercu tanda di mana seorang Bidayuh dibenarkan secara undang-undang untuk menukar agama kepada agama Kristian. Ini akan menjadi titik permulaan untuk lebih ramai lagi di kalangan mereka kembali beriman kepada Yesus Kristus.

Kaum Bidayuh yang bekerja dalam sektor kerajaan – agar takut akan Allah dan menggunakan pengaruh serta kuasa mereka dengan hikmat. Ketua komuniti Bidayuh sedang mencari jalan untuk mengenakan had usia remaja yang berkahwin kepada umur minima 16 tahun untuk mengawal kehamilan remaja.

Tuhan memberkati dan melindungi keluarga kaum Bidayuh, dan supaya ibu bapa sedar akan kepentingan kemajuan dan pendidikan.

SATU TANDA kepada kebangunan rohani adalah penyembahan yang spontan dalam pelbagai bentuk: berdoa, pekerjaan yang produktif, perniagaan yang jujur, memberi dengan murah hati, dan di atas semuanya pujian-pujian yang bersemangat memenuhi komuniti yang dipulihkan itu. Sementara penyembahan diperbaharui oleh masyarakat yang dipulihkan sebagai pernyataan hadirat Allah, hal ini juga yang mengakibatkan kubu-kubu pertahanan musuh dihancurkan.

Mari kita fikirkan Raja Yosafat. Apabila tentera Moab dan Amon menyerang Israel, yang mengancam untuk memusnahkan mereka, raja cemas dan berseru kepada Tuhan dan Allah berfirman: *"Kamu tidak boleh putus asa atau takut menghadapi pasukan yang besar ini, kerana yang bertempur bukan kamu, melainkan Allah '"* (2 Taw. 20:15). Kemudian Raja Yosafat memerintah rakyatnya untuk menyanyi memuji Tuhan, dan - *"Tuhan menimbulkan kekacauan antara tentera kaum Amon dan Moab.... dan mereka dapat dikalahkan."* (2 Taw 20:22)

Mengucap syukur dan memuji, adalah tindakan penyembahan kita kepada Allah dan juga sebagai senjata untuk kebangunan rohani. Paulus dan Silas menyanyikan lagu-lagu pujian kepada Allah sementara mereka sedang dibelenggu dalam penjara, belakang mereka luka kerana disebat – apabila dengan tiba-tiba gempa bumi yang kuat membuka pintu penjara mereka. Dengan cara yang sama, doa kita hari ini mestilah berkait rapat dengan iman-yang disertai dengan penyembahan semasa kita membawa cabaran-cabaran yang dihadapi oleh negara kita dihadapan Allah kita Yang Berkuasa. Adakah anda sudah memupuk sikap hidup yang menyembah ?

Suku bangsa di Malaysia: Orang Ulu

Kerajaan negeri Sarawak tidak mungkir janji terhadap undang-undang semasa supaya masyarakat Orang Ulu dapat terus menduduki dan mengusahakan tanah mereka. Di bawah undang-undang tanah yang sekarang, masyarakat Orang Ulu dikekalkan untuk berhak kepada tanah mereka seperti yang terdapat dalam undang-undang yang sedia ada. Walau bagaimanapun, aktiviti pembalakan yang bebas dilakukan oleh syarikat pembalakan telah memusnahkan tanah mereka tanpa dihukum. Hutan konsesi yang telah diberikan adalah tanah yang merupakan tanah adat mereka yang berada dalam sempadan kampung mereka tanpa mereka ketahui.

Tuhan memberkati dan melindungi keluarga Orang Ulu dan supaya ibu bapa mereka sedar betapa pentingnya kemajuan dan pendidikan, yang merupakan kunci untuk menentang eksploitasi supaya mereka tidak dipergunakan.

Pendidikan yang setaraf serta peluang pekerjaan diberikan kepada Orang Ulu, terutamanya yang tinggal di daerah pedalaman.

LAWATAN PERTAMA SAYA KE BARIO adalah pada tahun 1993. Semasa saya keluar dari pesawat di lapangan terbang, kaum Kelabit menyambut kami dengan senyuman serta mengalungkan kami dengan manik tradisi mereka. Saya ke sana bersama bekas ahli undangan negeri iaitu mendiang Balan Selin. Beliau seorang yang mengasihi Tuhan menyedari bahawa pertaubatan di kalangan pelajar sekolah menengah pada tahun 1973 itu disebabkan oleh pekerjaan Allah dan menasihati supaya para pemimpin tidak menentanginya. Setelah itu baharulah kebangunan rohani itu merebak.

Semasa berada di sana, suasana rohani dapat dirasakan. Setiap pagi gong akan dibunyikan pada pukul 5 pagi untuk doa pagi, seperti yang dilakukan sejak tahun 1973. Setelah itu, mereka membawa saya untuk melawat sekolah dan bilik darjah, tempat api Allah dicurahkan buat pertama kalinya. Kesan yang luar biasa akibat kebangunan rohani itu ialah mengubah pelajar yang sederhana menjadi pelajar cemerlang. Akibatnya, ramai di antara mereka yang memegang jawatan penting dan berpengaruh dalam negara pada hari ini.

Kemudian saya melawat lagi pada tahun 2011. Sambutanannya sama mesranya seperti dahulu namun iklim rohaninya sudah berubah. Pelajar-pelajar pada tahun 1973 sekarang telah menjadi pemimpin di Bario pada masa itu, sesudah itu dua generasi yang baru bangkit yang tidak pernah mengalami kebangunan rohani. Ramai dikalangan anak-anak muda sekarang kekeringan rohani. Ada dikalangan mereka pergi ke kota-kota untuk bekerja dan ramai di kalangan mereka yang kembali kepada cara hidup yang lama. Kebangunan rohani itu penting tetapi bukanlah jawapan bagi segalanya. Hal yang sangat mendesak adalah supaya gereja bangkit dan memuridkan setiap generasi untuk menuju kepada pengalaman kebangunan rohani secara peribadi serta untuk berdoa. Pemazmur berkata: "Pulihkanlah kami, ya Allah penyelamat kami " (Maz85:4). Semoga ini menjadi seruan kita pada hari ini. **Bahagian manakah dalam hidup anda yang anda ingin Tuhan pulihkan?**

Suku bangsa di Malaysia: Kaum Kadazandusun
Kesamarataan dalam meningkatkan peluang pendidikan dan pekerjaan untuk meningkatkan taraf kehidupan masyarakat Kadazandusun.

Kaum Kadazandusun mengalami lawatan Tuhan secara peribadi dan mengikuti Dia dengan sepenuh hati. Mereka memutuskan hubungan ikatan rohani dengan amalan-amalan yang salah di patahkan.

Aku mendengar apa yang difirmankan TUHAN Allah; Dia menjanjikan kesejahteraan kepada kita, umat-Nya, jika kita tidak kembali berbuat dosa. (Maz 85:9)

Baca juga: Bilangan 6:25-26, Yohanes 14:27, Roma 5:4, Mazmur 34:15

KEBANGUNAN ROHANI ADALAH MASA apabila Allah memberi tindak balas kepada pertaubatan dan kehancuran hati kita dengan belas kasihan dan anugerah. Dia menghulurkan pengampunan-Nya dan memeluk kita dengan kasih-Nya. Dia menghentikan kesunyian-Nya dan berkata dengan lembut dengan kita. Dia tidak lagi memaling muka-Nya terhadap kita kerana ketidaktaatan kita, Dia sekarang mengisytiharkan kasih-Nya, penghiburan, dorongan dan berkat. Yang lama dilupakan dan yang baru dimulakan. Dia memeluk kita seperti pada kali pertama dan membuat kita tenggelam dalam kasih-Nya.

Tiada yang dapat dibandingkan dengan berbaik semula dengan Allah. Apabila kita berdamai dengan Allah, kita akan berdamai dengan diri kita sendiri. Ia sungguh tidak ternilai. Ia sungguh membebaskan. Dalam masa seperti ini, marilah kita jangan lagi kembali kepada masa kebodohan kita dan membangkitkan kemarahan-Nya. Tetapi marilah kita dipenuhi dengan rasa hormat yang sungguh dan rasa kesyukuran yang mendalam. Marilah kita menghargai kasih dan suara-Nya yang lembut. Marilah kita mempercayai janji-Nya dan mentaati perintah-Nya.

Adakah anda masih berusaha dan, “menendang ke galah rangsang” atau sudahkah damai itu masuk di hati anda? Biarlah damai itu menjadi bukti iman kita.

Suku bangsa di Malaysia: Orang Bajau Laut

Bajau Laut juga dikenali sebagai “gipsi laut” kerana mereka menghabiskan masa mereka tinggal di atas perahu dan bergantung kepada laut sebagai mata pencarian mereka. Sementara sebahagian kampung-kampung Bajau ada di dalam sempadan Malaysia, ramai yang tidak diiktiraf sebagai warganegara, dan tiada kad pengenalan diri atau pendidikan rasmi.

Orang Bajau Laut mengalami kasih Yesus, mengetahui bahawa mereka adalah anak-anak-Nya, identiti mereka ada di dalam Dia, dan mereka ada kewarganegaraan kekal di syurga.

Kerajaan Malaysia mengambil tindakan yang berkesan untuk mengenal pasti masyarakat ini, melindungi mereka, dan mengizinkan anak-anak mereka masuk ke sekolah tempatan.

Pasti Dia akan menyelamatkan orang yang menghormati Dia, supaya Allah yang agung tinggal di negeri kita. (Maz.85:10)

Baca juga: Hez. 10-11, 1 Sam. 4:19-22. Yes. 4:5, Zak. 2:5, Maz. 51:13

SEBELUM KEJATUHAN YERUSALEM, Tuhan memperlihatkan kepada nabi Yehezkiel suatu penglihatan tentang kemuliaan-Nya yang sedang beredar dari negara itu. Kemuliaan Allah yang melindungi Yerusalem supaya selamat daripada musuh-musuhnya. Ketika kemuliaan Allah beredar dari Yerusalem, Yerusalem dimusnahkan.

Kemuliaan Allah ialah pernyataan Hadirat-Nya. Apabila Hadirat Allah ada, di situ ada damai dan kebebasan. Ia adalah hadirat yang nyata yang membawa pemulihan.

Kemuliaan Allah yang membolehkan seseorang atau sebuah negara hidup dalam destini mereka. Tanpa kemuliaan-Nya, tiada negara akan dapat mengenapi panggilan-Nya. Di mana kemuliaan-Nya ada, penyertaan-Nya dan berkat-berkat akan bertambah-tambah dan menjadi nyata; di mana ia tiada, sebaliknya kematian dan kegelapan akan memerintah.

Oleh itu, kita mesti berhati-hati supaya tidak mengusir hadirat Allah pergi dari hidup kita. Marilah kita merindukan Dia dan mencari Dia, supaya dia tinggal dalam kita dan di antara kita. **Bagaimanakah anda memelihara rasa lapar akan hadirat Allah?**

Suku bangsa di Malaysia: Orang Murut

Allah memberkati dan melindungi orang Murut, supaya Dia mengirim kebangunan rohani di kalangan mereka dan memakmurkan mereka.

Mereka yang meninggalkan kampung mereka untuk mencari peluang pekerjaan yang lebih baik di kota-kota besar; agar mereka **menjaga iman mereka dan mengizinkan Allah memakai mereka** untuk memberkati orang lain dan mengongsikan injil.

Kesetiaan manusia akan naik dari bumi (Maz.85:12a)

Baca juga: Amsal 12:22, Ef. 4:15, dan 25, Maz. 119:142, Yoh. 14:6

APABILA KEBANGUNAN ROHANI TERJADI: Kebenaran akan dipulihkan dalam negeri. Terang-Nya akan membuka setiap mata dan mendedahkan setiap dusta. Pendusta akan bertaubat kerana ketidakjujuran mereka dan dusta akan ditolak oleh masyarakat. Iblis akan kehilangan tapak untuk menipu dan kegelapan akan dikeluarkan dari negara itu. Kejujuran akan dipuji sementara penipuan akan dikutuk.

Apabila kebangunan rohani terjadi, Alkitab akan dibaca dimana-mana dan mesejnya akan diisytiharkan kepada semua, dikenali sebagai kebenaran sementara semua yang lain akan nyata sebagai dusta. Firman Allah akan mencari tanah subur dan bertumbuh, serta menghasilkan buah kebenaran.

Apabila kebangunan rohani terjadi, hamba-hamba Allah akan dicari dan sangat dihormati. Seperti yang tertulis, betapa indahnya kaki mereka yang membawa Berita Baik tentang Firman Allah. Mereka adalah para utusan kebenaran dan akan diberi penghormatan yang tinggi. Ramai akan mengerumuni mereka untuk belajar dari mereka dan bertumbuh di dalam kebenaran.

Apabila kebangunan rohani terjadi, Tuhan kita Yesus Kristus akan disanjung dan disembah. Dia akan diakui sebagai Jalan, Kebenaran, dan Hidup – sebagai Seorang yang mewujudkan Kebenaran, ramai akan menemui kebebasan kekal dan pemahaman di dalam Dia. Tetapi dari sini sampai kemudian, kita kena tanya diri kita sendiri, adakah kita mencintai kebenaran atau adakah lidah kita telah dicemari dengan dusta dan penipuan?

Malaysia: Ekonomi

Bank Negara, bank-bank dan institusi kewangan; hikmat dan pengurusan atas kekayaan yang Allah berikan kepada negara ini serta menentang penyelewengan dan rampasan.

Keluarga-keluarga yang kuarir tentang keselamatan masa depan ekonomi negara, demi anak-anak mereka: agar mereka tinggal dan memupuk kesetiaan dalam negara (Maz. 37:3)

Kekuatan dan perlindungan Allah sementara negara menempuh kitaran ekonomi.

Gereja dilengkapi dengan belas kasihan dan kesedaran untuk memberi makan kepada yang lapar, beri pakaian kepada yang tanpa pakaian, merawat yang sakit, mengisytiharkan berita baik kepada yang miskin.

....dan keadilan Allah akan menjenguk dari syurga. (Maz. 85:11b)

Baca juga: Mat. 6:33, Roma 6:13, Kisah 3:19, 2 Kor. 5:21, Maz. 23:3

UNTUK MENJADI BENAR bererti memiliki moral standard Allah. Dalam kebangunan rohani, moral standard Allah dipulihkan kembali kepada masyarakat. Masyarakat yang korupsi dan tanpa kesedaran tiba-tiba dibangkitkan dan orang lain akan mula bimbang akan perbuatan dan tindakan mereka yang tidak benar di hadapan Allah yang kudus. Cuma satu cara pembebasan dari keadaan ini iaitu mereka kembali kepada Dia yang telah mereka sakiti, merayulah kepada belas kasihan-Nya dan kembali kepada jalan-Nya. Ketika mereka datang dengan pertaubatan dan penuh penyesalan, Roh Kudus akan selaraskan hati mereka kembali kepada Allah. Moral standard Allah diakui dan dirangkul kembali.

Ketika orang mula kembali kepada-Nya dalam pertaubatan, perubahan akan terjadi di syurga. Allah akan melihat manusia dengan belas kasihan dan menghulurkan pengampunan. Pekerjaan Salib dikenakan kepada orang berdosa, dan manusia diisytiharkan benar sekali lagi.

Sesudah menerima hati yang baru dan permulaan yang baru, manusia akan mengingini kebenaran dan meninggalkan dosa. Orang benar akan disanjung lagi dan orang keji akan dipermalukan. Negeri tidak lagi mengalami keganasan dan korupsi. Sebaliknya ia akan dipenuhi dengan damai dan terang Allah. **Sudahkah hati dan fikiran anda dipebaharui untuk persiapan ini?**

Malaysia: Kehakiman dan Sistem Perundangan

Badan kehakiman yang bebas dan sempurna, supaya setiap keputusan harian Mahkamah adil dan benar.

Berdoa supaya kehakiman tiada korupsi. Mereka tidak boleh "dibeli", mereka akan buat pendirian untuk menolak rasuah atau ganjaran.

Para hakim, pegawai mahkamah dan peguam yang takut akan Tuhan. Peguam muda Kristian supaya berfikiran Kerajaan Allah dan memegang kebenaran dan keadilan mengatasi apapun.

TUHAN akan menjadikan kita makmur, dan tanah kita akan mengeluarkan hasil yang banyak. (Maz.85:12)

Baca: Yoel 2:18-32, Yes. 54:1-3, Ulangan 30:1-10

DENGAN KEBANGAN ROHANI, AKAN ADA MUSIM PERUBAHAN. Sama seperti musim bunga menghembuskan kehidupan baru di bumi, kebangunan rohani memecahkan musim sejuk yang gelap dan membawa kehangatan hadirat Allah ke atas bumi. Hadirat Allah, seperti sinaran cahaya, akan membuat bumi hidup dan berhasi. Tumbuh-tumbuhan akan menghasilkan buah dan binatang akan membiak menurut jenisnya. Bumi akan mengeluarkan hasil yang bertambah.

Doa akan mula dijawab. Airmata kesedihan akan diubah menjadi sukacita, ratapan menjadi gelak ketawa. Impian akan berlaku dan yang mustahil jadi mungkin. Semaian akan menjadi penuaian dan kemiskinan akan diganti dengan kelimpahan.

Jiwa-jiwa akan berpaling kepada Tuhan dan yang menyesal akan memenuhi mezbah gereja-gereja. Gereja akan melimpah dengan orang-orang percaya dan lorong-lorong bebas dari jenayah. Setiap kerja akan mula berjaya dan setiap keperluan akan dipenuhi. Setiap potensi akan disedari dan setiap destini disingkapkan. Mohon kepada Allah untuk membuat harapan untuk Malaysia terus hidup. **Adakah anda siap untuk mengejar ini? Adakah anda rela membayar harganya? Dengan itu marilah kita berlari bersama-sama dan menyediakan jalan bagi Tuhan.**

Malaysia: Gereja di Malaysia

Keadilan menaikkan derajat sebuah negara. Ketidakadilan memusnahkannya dari dalam. Marilah kita berdoa agar dalam negara kita, "keadilan akan mengalir seperti sungai, kejujuran mengalir seperti air yang tidak pernah kering" (Amos 5:25)

Perintahkan penorobosan dalam alam rohani bahawa Allah dalam kekuasaan-Nya akan menembusi seluruh kegelapan dengan serangan Kerajaan-Nya. Semua halangan dan rintangan disingkirkan dan Gereja-Nya akan dilepaskan untuk menggenapi tujuan-Nya yang kekal dalam memajukan Kerajaan-Nya.

Pemulihan visi dan semangat. Mata gereja akan terbuka dan dicelikkan untuk menangkap semula keseluruhan visi Kerajaan-Nya.

Pemulihan gayahidup kerajaan, sikap takut akan Allah, sistem nilai alkitabiah dan pemikiran yang berpusatkan Kristus. Orang-orang percaya akan dimuridkan dan berakar teguh dalam Firman Tuhan.

Kami berterima terima kasih kepada semua penulis tetamu kami untuk masa berharga mereka dan usaha untuk berdoa dan menulis untuk buku doa ini. Semoga Allah memberkati kita semua.

Membangkitkan murka Allah : Pr Ang Siew Khim

Belas Kasihan Allah : Ms Goh Poh Gaik

Bangkit dan membina : Rev Looi Kok Kim

Mezbah Doa : Pr Dr Lew Lee Choo

Suara Allah : Rev Gabriel Jabanathan

Kebangunan Rohani : Pr Dr Philip Lyn

40-HARI PUASA & DOA



7 OGOS - 15 SEPTEMBER